

3

ÆNEÆ SYLVII
EPISCOPI SENENSIS
IN
LIBROS ANTONII
PANORMITÆ, POETÆ,
DE
DICTIS & FACTIS
ALPHONSI REGIS
MEMORABILIBUS,
COMMENTARIUS.



HELMSTADI
Impensis JO. MELCHIORIS SUSTERMANNI,
ANNO MDCC.





PRÆFATIO.

Aneas Episcopus Senensis Antonio Panormite Poëta clarissimo, S. P. D. Sylvester Chimensis antistes, cujus consilio in suam me curiam Fredericus imperator acceperat, dictatas à me literas cum aliquando examinandas accepisset, remitteretq; plerumque maculatas magis quam emendatas, interrogatus cur aptissimo verbo remoto reddidisset ineptum: Atqui non vidisse me, inquit, scripta tua suspicare poteras, si nihil immutatum reperisses. Idem mihi in Alphonso tuo faciendum fuit, Antoni Oratorum & Poëtarum limatissime. Nam quæ de rege maximo & optimo olim scripseras, ut legere corrigereque jussisti. Legere potui, quod feci: corrigere verò non potui. Nam quid est quod manu tua emissum correctione indigeat? Vulgo dicitur, nihil dictum esse quod nequeat dici melius. At hoc in rebus tuis falsum Virgilianum carmen, quam dictoria tua corrigi promptius fuerit. Legimus aliquando Socratum Xenophontem, nescimus, quæ eloquentia homo Græcus eluceat. Ignoramus enim damno nostro Græcas lucras. De Latinis si quod est judicium nostrum, neque ille translatus se Antonio, neque Socratem Alphonso parem facit. Nam & tu Xenophontem hunc eloquentia superas & Alphonsus sapientia Socratem antecedit. Quid plura? Apophthegmata Plutarchi Philadelphus in Latinum vertit. Dicta illic factaque memorata digna breviter comprehensa

A 2

bensa sunt illustrium virorum, quos non oriens modo, sed Græcia simul & Roma protulit. Majora tamen & illustriora de uno Alphonso tuus liber explicat. Felix tu igitur, cui tantus princeps scribendus occurrit, felix Alphonfus, qui te ad consecranda ejus gesta idoneum offendit. Nam neque tibi materiam uberiores invenire, neque illi scriptorem elegantiores obtingere facile fuerat. Verum ego ut eo redeam, unde digressus sum, Sylvestri tenebo morem, annotabo pleraque, non tanquam mutanda sint, vel quod meum judicium anteponi tuo, sed ut me librum vidisse ac legisse intelligas, quod tunc verum maxime judicabis, cum per singula capita tui operis, aliquid me videris esse commentum.

In procœmium primi Libri.



Alphonfus tantò est Socrate major, quanto gravior Romanus homo quam Græcus putatur. Et quanto difficilior est reges, quam privatos homines philosophari.

Hunc novum Herculem sibi auxilio esse & Senenses orant, quibus tantò justius fuerit opem ferre, quanto indignius opprimuntur. Quod si rex solitus est laborantibus etiam cum periculo subvenire, Senenses certe non deseret, quos vel solo verbo reddere tutos & quietos potest.

2. *In Anglia quæ quodam Britannia dicta est, qui extra matrimonium mulieribus commisscentur deprehensi, sacerdotis imperio die festo in processu cleri ac populi adesse jubentur, & retentis scemoralibus, nudi ecclesiam circuire, ardentem cereum manu gestantes. Si quem poenæ pudet, is auro noxam redimit. Mannus quidam Florentinus qui sæpe data pecunia effugisset, poenam, rursus deprehensus, subire quam dare argentum statuit. Die dicta, aut ecclesiam longo pallio contextus venit, quo in media turba virorum sceminarumque deposito,*

deposito, omni ex parte nudus remansit. Ac indignante sacerdote, & scemoralia ut resumeret jubente. *Minimè, inquit, gentium. Nam pudenda hæc, quæ peccaverunt, ea potissimum dare penas decet.*

3. Balthasar Cossa, qui Pontificatum adeptus maximum, Joannes tertius & vicesimus dictus est, sæpenumero supra modum laudatus inquit, *quamvis clementia esse scio, quæ de me præclarè dicuntur, his tamen vocibus me oblecto.*

4. Sapient mea quidem sententia, qui accepto aliquo beneficio vel mediocri, curiæ valedicunt. Ostendunt enim animum suum expletum esse, & periculosè se subtrahunt, quod in curiales frèquenter accidit, qui veluti fœces ubi sagineati sunt, in cœnam Domini manantur. Cæterum qui opes adepti magnas, apud reges perseverant, non quidem id agunt, ut gratias referant, sed vel tuto abire nequeunt, vel eis nihil satis esse præ se ferunt.

5. Si Gothis ac Longobardis tales reges fuissent, neque mutilarum Livium, neque aliorum detrimenta autorum deploraremus.

6. Cum Alphonsum ego ex Bajis Puteolos usque sequerer, essetque illi ad me sermo de literis, ait se legisse librum Augustini de civitate Dei, ex Latino sermone in Gallicam linguam translatum, in cuius præcenio scriptum esset, Regem illiteratum nihil aliud nisi asinum coronatum esse. Atque ita sibi videri affirmavit.

7. Pari, ut mihi videtur, prudentia erga Jacobum Picinini filium Alphonsum utitur, Cui ut amico subvenit, ab eo tamen, ut hoste, cavet.

8. Harpyjas arbitror fuisse quam plurimas. Nam curiam ego adhuc nullam hinc avibus vacuum vidi.

9. Cœptis, quæ quidem iusta sunt, decet regem invictum adhibere animum, ac fortunam ferendo vincere. At ubi conatus iniquus est, præstat vinci quam vincere.

10. Hieronymum hæreticum, de quo senior Aurispa cum rege disputat, intelligo Bohemum fuisse qui Constantiæ crematus est, cum impiè de religione sentiret. Adde igitur si placet Hieronymi patriam, ut quod nos scimus, posteros haud lateat.

11. Venceslaus rex Bohemiæ, Sigismundi frater, Caroli quarti Romanorum imperatoris filius & hæres, ministri offensus verbo, è mensa confurgens, arrepto pugione amicum interfecit. Alexander,

Macedo, correpto telo in Clytū per mortē charissimi hominis, iræ suæ satisfecit, sibi se non satisfecisse pœnitentia facti dicit. Melior itaqve Alphonsus utroqve qui primo iracundiæ motui, ut homo succubuit, sed in secundum ut rationalis homo pervicit, ac parvulos suos, ut ait ille, illisit ad petram.

12. Sigismundus Imperator convicianti Bajoario creditori colaphum ineussit, mox pœnitentia ductus, debitum omne persolvit. Modestior rex quam imperator, sed fortasse non tam huic equitæ regis modestia, quam Bajoario Cæsaris ira salutaris fuit.

13. Si sine literis esset Alphonsus, liceret cœnanti sibi, ut asino coronato, quietem expetere. At docti regis nullam vitæ partem quietem esse fas est, nisi quam sibi somnus vindicat.

14. Quid faciat in suos cives Alphonsus, cum etiam in hostes pius sit.

15. Misericordem regem unum vel hoc factum, Deo optimo & maximo proximum facit. Verum cum victoriam rex abhorreat, cœditate & crudelitate partam: existimandum neque iis eum auxilio esse, qui bella per omne nephas gerunt.

16. Cum Neapoli in arce nova de pace Tusciæ, deqve mittendo in Albaniam Picinino per hos dies ageremus, studiosum T. Livii regem animadvertimus, quem sæpè testem citavit, dum cavendum esse diceret, ne primam belli fortunam adversam experiremur. Nam prælagium finis ex initio concipi solitum autore Livio attestabatur.

17. Sigismundi Cæsaris proverbium fuit, Ignarum esse regnandi, qui simulare nesciret. Vera ratio, nec vultum nec animum mendacio obtegentem regem probat.

18. Simili liberalitate usum regem accepimus in pauperes presbyteros, qui divinam rem primum faciunt.

19. Frederico Celestæ comiti, qui ob amorem concubinæ uxorem interfecit, atqve deinde inter scorta vitam turpissimam agens, abhinc anno proximo vita decessit, ait ex amicissimis: *annum jam supra nonagesimum agis, nec minus voluptati servis, quam si sis adolescens. Age jam demum morituum te scito, atq, de sepulchro cogita.* Cui Fredericus illuc, inquit, ago. Nam sepulchrali marmori hoc epigramma insculpendum statui. *Hæc mihi porta est ad inferos. Quid illic reperiam nescio. Scio quæ reliqui, abundavi bonis omnibus, ex quibus nihil fero mecum, nec*
quod

quod bibi atq. edi, quodq. inexhausta voluptas exhaustit. Tum amicus Sardanapali epitaphium, inquit, memoras, quod Aristotele teste, non hominis, sed bovis sepulchro inscribendum fuit.

20. Ex ducibus Transalpinis unum novimus qui singulis diebus venientibus facile præberet aditum, non quidem juris dicendi, aut administrandæ justitiæ cupiditate, sed ut munuscula ipse tolleret, quæ ad curiales ferebantur. Nec tres duosvé nummos, quos vocant Bohemicales, è manu pauperis auferre verebatur.

21. Hetruria nec agrorum amœnitate nec virtute virorum Picentiæ agro cedit. Ea nunc vastatur, non gemitu regis egemus, sed voluntate, quam dicis cum in Surrentinos habuisse, cum pacis & belli potens sit.

22. Aut noscere per sese regem omnia optaverim, qualis Alphonsus est. Aut adeò dementem esse, ut catena constrictus consiliatorum arbitrio regatur.

23. Fredericus imperator Viennæ & in Nova civitate Austriæ arces magnificas instauravit. At Sigismundus olim Budæ. Caterum, Alphonsus & nova quæcunque viderim opera & vetusta supergressus est, neque Darii regiam Neapolitanæ arcis comparandam fuisse putarim.

24. Franci quibus rex esset sola purpura & diademate conspicuus, illi crines totonderunt, & retruso in monasterium nebulone, autoritate Zachariæ Romani Pontificis Pipinum substituerunt, quem non vestis aurea, sed spectata inter bonos moderatio, & autoritas regio culmine dignum fecerat.

25. Adjutor asinario rex factus, nonnullos Campaniæ populos sibi conciliavit. At si Senensibus opem tulerit pacemque laboranti Tusciæ dederit, & illius provinciæ & universarum Italiæ civitatum tutor & pater appellabitur.

26. Quos servitia & crudelitate territos subegeris; ut metuas semper necesse est, quos tua tibi pietas misericordiaque conciliaverit, perpetuo fidos invenias.

27. Hugoni Senensi, quem nostra ætas medicorum principem appellavit, uxor fuit nomine Ladia ex familia Sozinorum. In qua frequens virtus, forma rara, hanc Hugo quod deformis esset Laidam bonam vocitare solebat, atque omni patrimonio privari quam conjugem maluit.

maluisset. Itaque potest amari deformis, mala non potest. Crispini fortasse nec morum suavitas, neque forma fuit.

28. Armatus rex iusti belli causa dum contra Florentinos Venetosque exercitum ducit, occurrentibus in agro Pelignensi hostium legatis, & se victos profitentibus pacem dedit. At Senenses antese superatos fatentur quam rex armetur, & obvoluti pedibus ejus veniam petunt. Quippe tanto gloriosius his, quam illis rex ignoverit, quanto potentiores sunt Veneti & Florentini quam Senenses. Nam illis videri potest idcirco pax reddita, quod cepti regem poeniteret, tanquam magnas & opulentas civitates vincere desperaret. Concessam Senensi populo, nemo ex clementia regia non profectam addubitat.

29. Picinino quoque permolestum fortasse fuerit, Senensibus pacem reddi, qui mitissimi populi damno, sibi & opes & gloriam quaerit. Sed nec virtuti ejus si modestior fuerit, & regis imperio sese commiserit, aut locus aut honor deerit.

30. Regum primogenitis, qui reges futuri sunt, non ab re hujus regimen ducatus committitur. Nam cum Calabrorum ineptias experti fuerint, easque tolerare didicerint, aliorum populorum facile mores ferent.

31. Alphonsi quaestio recte soluta est. At poteritne ille amplius quaerere, si Deum ipsum velut naturalem sedem appetit animus. Cur tam invitus eo tendit, quo ire appetit, praesertim cum hoc bono in terris frui nequeamus.

32. Apud Julianum sancti Angeli Cardinalem doctissimum atque integerrimum patrem, Flaviani supra Danubii, cui civitati nunc Vienna est nomen, cum coenarem, fuissetque, de Basiliensi concilio multus sermo, & inter coenandum terram moveri intueremur, discumbereque simul Joannes cognomento amicus Agrippinensium legatus, qui diceret surgendum est mensa, & in patentes campos abeundum. *Bono animo, inquit Julianus, o amici estote, de synodo Basiliensi locuti sumus, quae omnem ecclesiam tremefecit, non tamen illisit. Ita nec nos terra motus iste consternaverit.*

33. Caspar Selick, qui trium Caesarum Cancellarius fuit, optare se dicebat, omnes Principes omnesque reges aliquando privatos pauperesque fuisse: neque enim satis miseretur, qui nunquam fuit miser.

34. Gloria certe longe major est servati quam caesi hostis, tantoque

toque triumphus illustrior, quanto plures relictī sunt, de quibus triumphetur.

35. Magnificentissimos eos fuisse ludos ex Friderico imperatore accepimus, qui eo præsente per sacram hebdomadam editi sunt, annum post jubileum altero. Nos autem ludos, quos Gallici personagia vocant, mirificos & nusquam similes Laufannæ vidimus, quæ civitas Lemano adjacet lacui.

36. Pharmacum securus Alexander accepit, paratum à Philippo medico, quem corruptum auro Persico scripserat Antipater: uterque medicus, ille arte, hic familia, suspicionis periculum incidit.

37. In Fridericum Cæsarem tertium cum nonnulli dicta probrosa jactassent, referentibus aulicis. *Annescitis, inquit Fridericus, principes quasi signum ad sagittam expositos esse. Turres quidem fulgura praelas ferunt, humilia tellus praterunt. At nobiscum bene agitur, si verbia tantum impelitur.*

38. Hypocritarum vitam Friderico Cæsare coram accusabat Caspar Schlickius, abiturumque sese aliquando in loca dicebat, quæ hisce hominum monstis vacua essent. Cui Fridericus, *ultra Sauromatas ergo, inquit. & glaciale oceanum tibi eundem est. Sed cum eò veneris non omnino carebis hypocritæ locus, si modo & tu homo, non Deus es. Inter mortales enim nemo est, qui non ex aliqua parte filius fucatusque, sit.*

39. Sermonem habuit coram Alphonso in cœna Domini Antonius quidam Siculus, ordinem divi Dominici professus: sine facto gloriabundus sese regi obtulit, & quasi parum ex pulpito gannivisset, novas de sacramento altaris quæstiuunculas introduxit. Cui rex *obsecro, inquit, Rabbi, vas aureum aperuit quispiam, in quo ante mensem eucharistiam condiderat, nihil ibi præter vermiculum reperit. Ex auro, quod mundissimum purissimumque, fuit, & undique clausum, non potuit vermis nasci, neque ex accidentibus, quæ illic absque subiecto aderant: Ergo ex Christi corpore productus vermis, at ex substantia Dei quid aliud quam Deus prodeat. Vermis igitur Deus, quid tu ad hæc?* Obtulit monachus. Nos qui eramus in corona, Theologicas ab rege scholas haud frustra visitatas fuisse cognovimus.

40. Novitate gaudens Italia nihil habet stabile, nullum in ea vetus regnum, facile hic ex servis reges videas. Picininum Ianius filium, quasi regem nostra ætas venerata est, Des illi rei militaris periti-

B

tiam.

tiam. At inter homines, qui vel fugere vel capi, quam mori malunt. Joannem de Huniade apud Hungaros, apud Albanos Scanderbechium, apud Bohemos Pogebratium, apud Theutones Albertum Marchionem Brandenburgensem, meo judicio belli duces egregios existimes, qui cum sæpe hostes vicerint, nunquam tamen incruentam victoriam reportarunt.

At milites Italici mercatores videntur, ut equos & arma dederint ut liberi evadant, nimirum mercatorum stipendia merentur. Regis tamen vera sententia est:

*Malo pater tibi sit Therfites, dummodo tu sis
Æacidae similis Vulcaniaque arma capeffas,
Quam te Therfitæ similem producat Achilles.*

At sapius Herculem ex macellario, quam ex Hercule progenitum Picininum reperies.

41. Henricus Goriciæ comes charus militibus & optimatibus fuit. Is duos ex uxore Hungarica nobili & prudenti femina filios, quos antequam pueritiam exuerent, in thalamo suo apud se habuit, eosque interdormiendum media nocte sapius vocitare, & an sitirent interrogare solitus erat, quibus tacentibus (nam altus somnus eos oppræsserat) surgens ipse vinum ingerebat, illisque recusantibus ac evomentibus vinum, conversus ad uxorem: Ex alio concepisti meretrix, neque enim filii mei sunt; qui noctem integram nil sitientes, dormiunt. Leonardus Felsechius nobilis eques, cum in Lipsensem civitatem pervenisset, in qua Saxones liberales artes ediscunt, percurreretque, Sobrinus suus, qui tum forte illic studii causa degebat, quidnam & quantum profecisset. Homo, qui nosset eum & coadjutor ejus esset, optime, inquit, se habet amicus tuus. Nam inter mille & quingentos qui adsumus scholares, hic unus bibendi palmam obtinet. Neque ingrata sese homo nunciasse putavit. Est enim mos apud Saxones dum conveniunt, hos primo loco ponere qui plus adbibierint, eumque ludum ad æquales haustus computationem vocant. Huldricus de Nova domo inter Bohemos procures, opibus & autoritate facile princeps liberos suos, quamprimum ablatos novit, ad usum vini exercuit. Neque Australia, neque Bavarica quæ leviora sunt, sed Cretensia, Tergestinaque & quæ vocant Traminica his ministrari jussit. Interrogatus

gatus à Friderico Cæsare quâ ratione id ageret, *auspiciis* respondit illi, *liberi mei cum adoleverint, amareq; vina caperint, sacuri adhiberint, quantum vulerint nos, vino capientur.* Sapis, inquit Fridericus, *hoc ipsum Mitridates saltitavit.* At mihi filius aliquando fuerit, nisi vinum oderit, cum ipsum ederim. Cæterum si regum cibus gloria est, ut Alphonsus ait: ea se gloria priuari non sinet, quam consecutus est Italia pacata, bellumq;ve, si quod exoriri timor est, in Turcas vertet, illisq;ve formidabilem sese ostenderit.

42. Viriatus non malè Hispanorum Romulus appellatus est. Alphonsum verò ejusdem gentis Julium, et, si pacem Tusciæ redderet, Italorum Augustum non ab re vocavimus.

43. Haud mirum si lecto Curtio rex ægra valetudine levatus est. Nam dum legit apud illum Alexandri facinora, majorem sese orbis domitorem cognoscit; qui neque iracundia, neque vino vincitur, quibus Alexander ipse succubuit.

44. Detectum esse Vitruvium, qui quò pacto contegamur, edocet, indignum regi visum est. At nec Senenses intactos à rege relinqui decet, qui detectos sibi hostes ostendere.

45. Dicentem sæpenumero Fridericum audivimus, *male se febrî teneri, quàm salutationi operam dare.* At Galli ut quàm levissimè saltent, vestium, quibus nec nates, turpe dictu visuq;ve, obtegunt, usum invenere. Sequitur Hispania Gallicas ineptias. Italia verò damnat, detestatur, abhorret. Nam quid turpius, quam ita vestitum esse hominem, ut quasi nudus pudenda quæq;ve in propatulo habeat.

46. Dantem ferunt ad spectacula ductum, apud venditorem librorum, quod ex ejus taberna in forum prospectus esset, consedissee, librumq;ve, cujus fuisset cupidus invenisse, quem tam avidè attenteq; legerit, ut domum rediens juramento firmaverit, nihil se vidisse, aut audisse ex iis quæ in foro dicta factave essent. Verum de musca, quoniam mentio incidit, referendum est Gallici principis exemplum. Convivium illi cum optimatibus suis fuit apparatus in horto æstate media, sub opaca ulmo, circum quam provolitantium muscarum, agmina in dapes ac vina provolvebantur. Conviva, quibus animantis scæditas stomachum moveret, mox ut musca in poculum cecidit, vinum simul atq;ve animal effudere. Ægrè id cernere princeps, jacturamq;ve vini tacitus indignari. Nam veri palam inter magnos, qui

aderant proceres, non est ausus. Sed quos arguere verbo veritus est, exemplo admonuit. Puerum qui se coram flabello muscas abigebat, ventulumque faciebat, cessare paululum jubet. Interea & incratorem suum musca incidit, tum lætus princeps duobus digitis dextram alitis alam apprehendit, & aliquandiu craterem supra excutens, ne quid vini secum deferret, in terram projecit. Exemplum convivæ omnes secuti. Noxium & importunum animal diis atque hominibus infestum, non mirum si Domitianus ille Cæsar tantopere infestus est.

47. Neque M. Tulli, neque Vitruvii inhonoratum esse tumultum decuit, cum alter à morte homines tuendo, alter à pluvia scribendo protexit. Si modo is Vitruvius apud Formias sepultus est, qui de Architectura librum reliquit.

48. Pium regem memoras, qui vel saxis Ciceronis pepercerit, quæ ille reverentia tanti viri ossa confectatus esset, utinam ejus marmora quæ triumphalis arcus habet, parem apud posteros pietatem inveniant. At ego illis timeo in arcis aditu collocatis, oppugnabitur, aliquando locus, neque memoriæ magni regis, neque artificii nobili venia dabitur, quando affectum quemvis excludit dominandi cupidō. Mallem sapientia regis illic suam memoriam consecrasset, ubi solius vultustatis, aut invidiæ metum subiisset.

49. Hecatonis præceptum, quod Seneca magnopere laudat: *Si vis amari ama*, rectè rex attestatus erga Deum non procedere, quem non omnes amant, qui amantur ab eo. Utinam nec Senenses hoc dicto decipiantur, qui regem Alphonsum vehementer amant, atque observant.

50. Amici regi non minus Senenses sunt, quam Buxutus eques fuerit, salvam ipsius domum Alphonsum voluit, potius quam triumphalem sibi arcum apparari. Salutem igitur Senensium anteponat Picinini triumpho.

51. Agere quàm fari sapientis est. Nunquam nisi cum necesse est sapiens loquitur, neque vana nisi ponderata mensurataque profert. Stulto nullum est tempus sermoni clausum, fatileque verba jactitat, qui sine consideratione profatur.

52. Sena vetus erit ea vetula, confido, quàm regis gemma curabit sed non amittet gemmam, id est, benefacti gratiam. Nam regi & filio, & natis natorum & qui nascentur ab illis, dum stabunt mœnia, fidelis & obsequens erit.

53. Et

53. Et in Græcia & in Italia nati educatiqve barbarizant. Nam quid magis barbarum quam raptò vivere, & omnem æquitatem omnemq; religionem proculcare, quem Italicum morem esse videmus.

54. Ennius, si plerosq; nostri seculi reges contemplatus esset, credo non reges sed *regones* appellasset: Ecclesiæ quoque prælatos, *prælatones* vocasset, qui præter coronas & insulas dignitati quod respondeat, nihil ostendunt.

55. Iusti est principis non solum afficere neminem injuria, sed eos, qui damna quibus vis hominibus sine justa causa inferunt, si possint prohibere. Nam teste Tullio, qui aut non obstitit, si potest, injuriæ, tam est in vitio, quam si patriam aut parentes deserat. Eam ob causam cum possit Alphonsus prohibere Picininum, ne Senensibus *oneri sit*, ne bello impio piuni populum afficiat, nisi id agat, justitiam neglexisse caducariusqve non immerito videatur.

56. Colonix Agrippinæ pictor quidam insignis, sed prodigus & piger & amator vini, quamplures Christi imagines cauponibus pignori dedit, easqve hoc pacto perdere quam vendere maluit. Interrogatus cur non potius venderet. Ergo, inquit, *me Judæum esse quam Christianum vultis.*

57. Joannes Gersius Westualus, qui Sigismundi Cæsaris protonotarius fuit, Alberto Romanorum rege satisuncto, principes Electores apud Francfurdiam adiit, ac ne Fridericum eligerent suadere summopere conatus est, confecta in eum vitia multa disseminans: neque contentus his, cum Romam Fridericus peteret imperiales insulas susceptrurus, Nicolao quinto Pontifici Max. Epistolas direxit, quibus ne Fridericus coronaretur annixus est, nihil tamen horum imperatorem latuit, hominemqve cum posset corrigere atqve intertinere, passus est Viennæ vivere partisqve frui bonis, quæ illi non medioeria fuere.

58. Apud reges nihilo magis juramentum quam simplex verbum valet. Animo enim princeps obstringi, non alia quavis arte potest. Sed pudet me plus hodie fidei trans montes quam circa reperiri. Plerosq; ex nostris principibus, quos Italia genuit, adeo parabolanos, ut ita loquar, invenias, ut certiora sint mei etricum, quam eorum promissa.

59. Alexander, qui ex ducibus Maronia erat, egregius bibulus, cum mortem obiisset apud Viennam, diemqve illi tricesimum.

in templo divi Stephani, cui præfuerant Canonici, multiqve viri nobiles celebrarent: sacerdos qui sitibundus cellam vinariam præpositæ intraverat, vidisse se inter dolia deambulantem asseruit, & ad ecclesiam reversus, cum orantes adhuc compresbyteros invenisset, *Quid hic Alexandro inferias, inquit, agitis? Ille in suo templo laicus agit bibitque, vos hic sitî arescitis.*

60. Pœnituisse quam plures adepti regni compertum est: at qui litteras didicissent, neminem. Est enim doctrina sapientiæ similis, quam omnis anima concupiscit, nulli onerosa: regni molestiæ multos oppressere, quamvis Bononiensium insania cuncta regna posthabens, cupiat, cum capitis periculo vel diem regnare.

61. Apud Bohemos hoc vectigal exigi nequit, apud quos lupanaria & quævis pacta publica Hussitarum lege prohibentur. Nostri minora mala tolerant, ut majora quæque devitent. At bene cum Neapolitanis actum est, quibus hunc regem divina pietas dedit, quo regnante, & ditantur & extolluntur. Memoriam si grati fuerint Alphonso æternam retribuent, qui regnorum omnium suorum huc opes contulit.

FINIS LIBRI PRIMI.

Liber commentariorum

Æneæ Sylvii Secundus

In Proœmium.



Vi norit Alphonsum, nemo te, Antoni, dixerit adulatum. Si adulari eos tantummodo dicis, qui mortalium facta, dictaq; supra verum extollunt. Libellus tuus quamvis elegantissimè scriptus est, diminutè tamen magis quam amplius regis laudes attingit. Nec miror: quis enim ejus regis egregia facinora abundè retulerit, qui annos quadraginta omnium judicio sapientissimè regnaverit? Ego quidem ut de tuo regis iudicium meum prodam, omnes qui modo regnant quique regnaturi post-

post-

posthac fuerint, Alphonsum tanquam speculum quoddam virtutum contueri oportere arbitror. Si sibi gloriam, provincialibus suis quietem parare voluerint.

1. Inter fratres qui beatæ Mariæ Teutonicorum appellantur, ac Polonia reges de regni finibus magna sæpe contentione certatum est. Cæterum arbitror Sigismundo Casarelitæ extinctæ, pacem factam, juratum signatumque; cædus. Anno ab hinc tertio conspirant inter se quinque & quinquaginta Prutenorum civitates, impiique contra Dominos arma suscipiunt, & contra fratres universæ rebellant. Tum Casimirus Poloniae rex portionem sui regni Prussiam esse asserens, occasione oblata bene gerendæ rei bellum fratribus indicit. Tanto divi Alphonso, quàm Barbari regis modestia major. Sed non minori perfidia Picininus contra Senenses usus, quos bello quandoque malè afflicto, quamvis sibi patrique suo fuissent amicissimi, non est veritus armis laceßere.

2. Ad hæc sponsalia contrahenda nos huc ex Austria legati Cæsaris venimus, remque absolvimus, quamvis collega nostri Georgius de Populosa, & Michaël de Plena villa adversi essent, qui dotis nomine minus promitti, quàm par esset arbitrabantur. At Leonora Augusta, sic enim eam vocitamus, regia neptis hoc anno filium peperit, Christophorum nomine, scitum puellum & oris lineamentis Alphonso persimilem, utinam moribus.

3. Africanum superiorem, qui unius virginis pudicitia consuluisset, non satis à Livio laudatum arbitramur, quamvis in eo factio extollendo nihil obmississe videatur. Alphonso Marsilienses omnes virgines ac matronas conservavit intactas. In agro quoque Vulturano cum oppidum vi expugnasset, cui Ripa Malerantiæ nomen est, pari moderatione in scæminas usus est. Quas igitur huic regi laudes attribuemus? immortales certe, si Picininum reliquerit, apud quem virgines ac nuptæ bello captæ contumelia afficiuntur.

4. Ratispona super Danubii ripa apud Bajoarios magna & insignis urbs est, hic sancti Emmerani vetus monasterium cum visceremus, Abbas qui loco præerat, reconditum nobis ostendit corpus, quod divi Dionysii Ariopagita esse asseveravit. Cum nos Dionysium apud Parisinos observari diceremus, Leonis Papæ literas in medium attulit, quæ testarentur imperatorem, si recte meminimus; ex

Hen-

Henricis unum, cum regem Franciæ invississet ac Parisiis ageret, hæc ossa furatum huc detulisse, appellatq; sanctus pontifex pium Imperatoris furtum, nos regis pium spoliū dicere possumus, quo sanctissimus Aloisius ex Massilia in Valentiam translatus est.

5. Heri aliquot legati regem convenimus, incidit sermo de Philippo duce Burgundiæ, quod votum vovisset contra Turcas arma sumere, laudavimus nobilissimi principis animum. Quid nam ipse rex facturū esset ad religionem tuendam, percunctati sumus. Tum ille, *si vixero*, inquit, *in annum proximum, classe Turcas in Græcia atque Asia laceßam: Alphonsus ex sorore nepos rex Portugallia in comitatu meo erit; quadringentis & eo amplius velis mare sulcabitur, in hostium terram quingentaginta millia pugnatorum exponemus. Jam tela, jam arma in promptu sunt. Triticum modios quinque & septuaginta millia conscripsimus. Naves onerarias triginta expeditivimus, quarum unam in portu vidistis, quæ majorem avo nostro non tulit pelagus, animus bonus est, adsit modicum vita bona valitudo.* Si propositum rex tenuerit, treis orbis partes armatus inviserit, ac triumphando percurrerit, Europam, Africam, & Asiam. Idem Cæsar fecitavit. At ille contra patriam, hic pro patria pugnaturus est, & pro catholica ecclesia, in qua regenerati omnes sumus.

6. Nougardia civitas est inter Rutenos amplissima, & auro atque argento abundans. Rutenos non illos dico de quibus Lucan. ait. Soluuntur flavi longa statione Ruteni. Nam eos intrâ Galliam habitasse constat. Hi Germanos ultra & Sarmatas & Lituanos non longè ab ortu Tanais sedes habent, ad quos Romanorum ducum nemo unquam pénétravit. In medio urbis foro lapis quadratus est, in quo rex & quidem stans, jus populo dicit: sed rarò regia potestas in annum apud unum mansit, sæpe in unam diem duo tresve regnare: Surgit enim ex populo, qui clientelis se satis armatum existimat, Regemque deturbans lapide, locum ejus invadit, atque eversigio rex salutatur. Haud absimilem & ipse casum subiit, si quis se fortior adventarit regni cupidus. Mira diversitas regionum, Septentrio suos inhonestat reges, Meridies non alienos tantum, sed etiam hostes honorat.

7. Fridericus imperator extra cœnam nunquam utitur vino. In cœna lectissimum bibit, & id aqua perdomitum. Leonoræ Augustæ quæ paterna in domo nunquam vinum gustasset, suadebant medici
in

in Germania regione frigida, si mater fieri vellet, vinum biberet. Quod cum accepisset Fridericus, me vocato, *abi, inquit, atque Imperatrici dicito, sterilem me conjugem quam vinosam malle. Proinde me si amat, vinum oderit: ad id nuntium Leonora, etsi viri iussioni tam libenter pareo quam vivo, si tamen vini usum mandaverit Imperator, mori optaverim, quam parere.*

8. Teutoniarum regibus, qui ad imperium eliguntur, apud Belgas in Aquensi civitate mos est coronari atque inungi. Huc dum Fridericus jam electus properat, Albertus frater ejus junctis cum Comitibus Ciliarum viribus Carnos invadit. Labacum insigne ac munitissimum oppidum obsidione cingit, Crainburgenses infestat, Tergestinis, se nisi dedant, exitium minatur, apud Carenthanos, apud Stirienfes novas turbas excitat. Seniores, qui apud Ernestum patrem in primis accepti, ac fideles fuerant, Friderico sudent, patrimonium quam imperii curam majorem gerat. Imperium rem communem, alio tempore curari posse, patrimonium rem propriam, & ad hæredes transcuram, nisi nunc tueatur, frustra in posterum optari quæriqve. Contra Fridericus imperii communia negocia per sese: hæreditaria & privata, per procuratores curanda statuit. Cæptumqve iter proficquens belli duces elegit, qui se absente patriæ consulant: coronatus dum revertitur, fratrem cum Comitibus profligatum reperit: ad se vocatum, temerati fraterni hospicii & amoris arguens, rursus in gratiam recipit, & quasi nihil peccasset, in partem regni restituit.

9. Mulierem, quæ in dies quadraginta totidemq; noctes nihil omnino ederet se vidisse Patavii Magnus Albertus scriptum reliquit. Neque id contra naturam esse in foemina ægrotante & frigida. Verum sub Nicolao quinto pontifice maximo ex ultimis Galliarum finibus presbyter Romam venit, qui se in quadriennio nullo usum cibo assereret, nisi cum aliquando ab episcopis invitatus paululum quod degustasset, inediaqve suæ in multos dies, si quis optasset, periculum faciebat. Hic dum Senis esset, Leonardo nostro Imolensi Romanam se curiam petiturum ait, scandalumqve ibi passurum non periturum. Cum venit Romam, dies illic multos fuit, admirationem sui turbis fecit, quasi sanctus & Deo charus. Postremo captus virgisq; caesus, in exilium est actus. Suspectum est enim quicquid prodigiosum.

10. Comites de Wirtenbergo apud Germanos in Svevia late dominantur, quamvis principatus honore & appellatione caréant, potentia tamen multos principes antecedunt. Ac insolentes & improbi habentur, qui neque Romanam sedem verentur neque obsequuntur imperio. Nobilis quispiam, qui hos diu sectatus fuisset, ab eis tandem recedens ad curiam Cæsaris profugit. Henricus tum septimus imperabat, avus Caroli quarti, qui Sigismundi pater fuit. Nobilis in conspectu Cæsaris quotidie acculare comites, nunc rebelles, nunc raptores appellare, hostes imperii, contemptores ecclesiæ. Cui Henricus, *tace*, inquit, *veterator neque landanti tibi, quos scimus pessimos, neque vituperanti, quos tu olim sequebaris, fidem habemus.*

11. Ludovici Pontani & Nicolai Siculi bella legatio & digna tanto principe, nisi discordes animæ & invidia laborantes, neque Regi neque Concilio utiles extitissent: fuimus & nos Basileæ, notumq; nobis est, non minus occupatam fuisse Synodum ad reconciliandos inter sese regis *legatos*, quam ut Bohemos ad ecclesiæ catholicæ consensum reduceret.

12. Antonius S. Marci Cardinalis Eugenii quarti summi præfuit nepos, incredibile est quam multa numismata veterum conquissit imperatorum ac principum, amator & hic vetustatis est. Nobis Alphonsus cum essemus apud se Puteolis, ait inventum à se Neronis aureum nummum, quo pessimus imperator eam sibi laudem usurpavit, quæ divus Augustus in cælum tollitur. Clausit templum, quod veteres Jano dicaverunt, damnabatq; sapientissimus rex stultum principem, qui sibi falsam gloriam vendicaret. Non est igitur, Antoni, cur vel tu, *velego*, tanti regis gratiam consequi mentientes speremus.

13. Bartholomæum Facium, qui gesta regis scribit, non miror imitatum esse in genere dicendi C. Cæsarem, quando ejus commentaria regi tantopere placent. Verum Lituanix ducem Svitrigalum nunquam à domo pedem movisse ajunt, quin dispensatorem percontaretur, an librum quem sibi de arte Popinaria accuratissime componi curaverat, secum asferret, quasi Apitius exquisitarum cultor epularum. Cœna apud eum non minus sex horarum fuit, nec fercula minus quam triginta & centum illata sunt dum ligurit. Itaque occidentales reges (legunt) Septentrionales edunt.

14. Quod

14. Qvod jubet alternatim Plato, Alphonfus copulatim implet, qui & literatus est & homines aniat literatos. At rara in terris avis. Nam seculo nostro omnes ferme reges Nursini videntur, qui *lecturos* (sic enim literatos vocant) è consilio procul arcant.

15. Wenceslaum Bohemiæ regem inter purpuratos suos crotro sermone usurpare solitum ferunt, *Ego si me diripiendis urbibus Italia fors presentem dederit, ceterarum rerum pradam militibus impartiar, viri tantum apud me spolia reservabo. Si quis autem in cellam vinariam injussu meo fuerit ingressus, gladio ferietur.* Hunc principes Electores velut inertem atque secordem imperio deiecerunt, Ruperto Bajoario in locum ejus successo, ad quem Civitates Teutoniæ omnes defecere demptis Norimbergensibus, qui Wenceslao jurassent. Hi, cum hinc jurisjurandi religionem vererentur, inde vim Bajoarii timerent, legatos ad Wenceslaum mittunt, qui se juramento solvi petunt, ac si necesse sit auri viginti millia nummum in eam rem offerunt. Rex auditis legatis liberos Norimbergenses dicit, si curtus quatuor tradant, onustos vino, quod Baccharacense vocant, hoc est inter Rhæcenſia vina, ut putant, optimum.

16. Ab eo principe, qui muscam è cratere, ut ante relatum est, proripuit, petit quispiam filia quam haberet unicam, aureos viginti, quibus eam nuptui traderet. Sibi enim non esse, unde corradere dotem posset. Id ubi negatum est, ad vicinum regem commendatitias litteras impetravit, quas vir bonus & nobis amicus distavit signandasque principi tradidit. Cui princeps, unde papyrum sumpſisti? Ex tuo, inquit, armario. Tum princeps, *siccine me, ait, expilatis omnibus? Si sic bona nostra prodigemus, ad mendicitatem brevi redigemur. Male hanc diem expendimus.*

17. Pudeat Italiæ sacerdotes, quos ne semel quidem novam legem constat legisse, apud Thaboritas vix mulierculam invenias, quæ de novo testamento & veteri respondere nesciat.

18. Si unius triremis liberandæ causâ, in qua ducenti, vel paulo plures perire homines poterant, ingenti periculo sese rex subjecit, quid faciat pro beati Petri navigio? cum quo nisi procellam Turcorum evaserit, Christianam perire societatem oportet.

19. Vitoldus dux Lithuanie lætæ majestatis reos urorum pelle confutos, ursis, quos domi nutrierat, laniandos objiciebat. Cujus

severitatem ne dicam crudelitatem, adeò provinciales extimuerunt, ut cum dixisset aliquando duobus pluribus ve, *Ita otius ac laqueos vos appendite*, nemo imperium recusaverit, auditusq; nonnunquam sit, qui currens hortatus alios, eamus quàm properanter, dixerit, ne bilem domini commoveamus.

20. Fridericus Imp. III. victis bello & vi captis Gunziensibus LXXX homines qui rerum novarum ac rebellionis autores fuerant, in patibulum sustulit, reliquæ multitudini vitam libertatemq; ac fortunas concessit.

21. Sequēbamur Alphonsum ex hospitali beatæ Mariæ in arcem regiam, tum forte vir grandævus vultuq; venerabilis, regem salutat. Rex autem ad nos conversus, *Sic*, inquit, *cum obsiderem hanc urbem ad me venis in castra, utque bono animo essem iussit. Nam circa Calendas Junias qua tunc instarent, oppido positurnus essem, at non diu post futurum esse anceps prælium ait, in quo dux exercitus caperetur, meque commovit, ne illi pugna interesset.* Prima vaticinii sermonis pars impleta est, quarto nonas Junias Neapolim in potestatem redegit. Copiæ nostræ atque Antonii Caudolæ in agrum Capuanum conveniunt, dubitatum est inter nostros an prælium committi oporteret, quod vitæ nostræ timerent, quod cum ad me relatum est. *Ergo ea res vobis timorem*, inquam, *incutit, qua prestare animum atque audaciam debet. Induique me mox galeam, & signo pugnae dato in hostem me converteri, fregi acies, vici, profligavi, Antonium captivum abduxi. Nec me vaticinium, nec trepidum consilium amicorum terruit.*

22. Nandi solum peritia C. Cæsar Alphonso superior fuit, qui apud Alexandriam navicula pene submersa, nando ad classem evalit. Batavos hanc artem adeò calluisse constat, ut Rhenum, qui apud eos latissimus est fluvijs, armati tranarent, illorum hodie locum Traiectenses tenent, viri bellaces & nandi peritiores quàm cæteri Rheni accolæ.

23. Servatæ apud Vicarum mulieres, regis animum ab his alienum ostendunt, quæ Picinini patravit exercitus, violatis apud Orbitellum nuptis ac virginibus.

24. Præliis, quæ inter Christianos acta sunt, corpus objicere non negavit Alphonsum. Non est igitur cur dubitemus contra Turcas cum arma sumpturum, & in tam gloriosam expeditionem iturum.

25. Al.

25. Albertus Marchio Brandenburgensis (quem Teutonicum Achillem non ab re vocitant) cum accepisset Nürenbergenfes octingentos equites, ac sex millia peditum in agrum ejus prædatum misisse, apud fluvium quem illi transmissuri erant, equitibus atque peditibus uno duntaxat loco vadabilem, sagittarios inter arbusa ducentos collocat, qui equitatu prætermisso pedites vado arceant. Ipse cum sexcentis equitibus mox proximo in nemore latitat, missisque hostium equitibus, mox sese ostendit. Steterunt utrinque acies medio trecentorum ferme passuum intervallo non sine trepidatione. Tum Marchio cum duobus comitibus apprehensa lancea in hostem advolat. Occurrunt totidem sibi ex hostibus viri fortes. Marchio equidem eum, qui sibi obviis sic medium transfodit, sternitque: at comitibus suis, abiis, cum quibus congressi fuerant prostratis, ipse in hostium turmam solus erumpit, modo istum modò illum conficit, stragemque non parvam efficit, donec ad signa pervadat. Illic centum in eum gladii nudantur, & cum punctum eum ferire circumventum nequeant, igrari quisnam tanta auderet, cæsim rem agunt. Ille amplexatus utroque brachio vexillum, *nusquam honestius quam hic moriar*, inquit. Dum solus hæc agitat, reliquus exercitus suppetias occurrit, & versis in fugam hostibus semianimem ducem apud vexillum comperit contractum quassatumque: hostes aut cæsi aut capti, fuga admodum paucos eripuit. Pedites apud fluvium impediti, nulli interim usui fuerunt. Hæc nobis & Albertus ipse cum simul è Nova civitate Austriæ Viennam, pergeremus, & alii quamplures viri graves retulerunt. Dignus Albertus, qui prope Alphonsum nomen habeat.

26. Presbyterum ajunt montis Calvi, qui Viennæ imminet, eum ad meridiem usque bibisset, dormire usque ad occasum solis consvesse, experrectum verò ad ecclesiam ire, ornare altaria, sacerdotalia vestimenta sumere, campanaque plebem citare, ut qui Missam celebrare instituisset. Interrogatus cur tam sero rem divinam ageret, verum ad occidentem, quem putabat orientem esse, percontantibus respondisse fertur, *Imo vero subdubito, antam mane celebrare liceat ante exortum solem. Nam quamvis aurora rutilet, non tamen diem dicere possumus, nisi solis orbis super nostrum horizontem eluceat.*

27. Ludovicus Bajoariæ dux, quem Basilicæ Nurenbergæque vidimus, struma ingenti gibboque deformem, at facundum & auda-

cem, adversus Ludovicum patrem impia arma movit. Nec veritus est venerandum & grandævum senem dura & miserabili obsidione vexare. Sed correptus vehementissima febre, ante diem suum obiit, quàm patrem possit in vincula conjicere. Neque enim adversus paternam jura impune cedit, neque longævi sunt super terram, qui parentes inhonorant. Infamis ætas nostra, quæ non Ludovicum hunc tantum, sed alterum Ludovicum Franciæ Delphinum & Alphonsum Castellæ primogenitum in patres arthatos vidit.

28. Udalricus Ciliæ comes hoc anno cum Joannem Huniadem regni Hungariæ Gubernatorem alloqui cuperet, neque ille recusaret, si apud se in castra convenirent. *Non ego*, inquit, *princeps ex principe, atque familia natus ad te veniam novum hominem, & nostra demum atate nobilitatum.* Cui Joannes: *Non inquit, tuis majoribus, sed tibi me comparo, quoniam neque illis cedam, qui pugnando pro Christiana religione nobilitatus, majus lumen posteritati mea comparavi, quam illi, qui ad te derulerunt.* Atque ut in te Ciliensis comitatus turpiter exstinguitur, ita in me gloriose Bisitricensis exoriuntur.

29. Fridericus Marchio Brandenburgensis, qui contra Bohemos sub Juliano Legato apostolico fortem & numerosum duxit exercitum, conditurus testamentum quatuor ad se filios evocavit, Joannem, Fridericum, Albertum & alterum Fridericum, Joannemque, quod is natu major esset, in hunc sermè modum allocutum fertur. *Primus ego, ut nosti, dignitatem Electoratus imperii in nostram familiam adduxi, cum essem Sigismundo Cæsari admodum familiaris. Nunc vocat me suprema necessitas, cura mihi est, ne tantum decus in domo nostra vilescat. Tibi, ut video, quietis & tranquillitatis est unicum studium. In Electoratu præter curam & assiduum laborem nihil invenias, eam ob causam, si sua voluntate id possum, Marchionatum Brandenburgensem, cui jus eligendi Cæsarem est, concessum Friderico, qui tibi atate succedit, quique & vigilantior, & ad labores durior, quàm tu videtur, testamento relinquam. Tibi Voilandiam, Alberto quicquid Franconici juris possideo, & alteri Friderico pariem Afsnia. Cui Joannes, existimaui pater ante hunc diem chariorum tibi multo quàm me Fridericum esse, cuius illi sapius blandirere, neque id ferre non ægrè potui. Nunc sententiam muto & te pater amo coloz, qui mihi ocium, illi negotium suprema voluntate dimittis. Ex Joanne hoc nata est Ludovici Mantuani Marchionis uxor, inter matronas nostri sæculi forma & moribus præclara.*

30. Jo-

30. Joannes Rudulphi regis Bohemiæ filius, Alberto Romanorum imperatori patruo suo subiratus, qui petenti sibi partem Austriæ non statim annueret, cum non reperiret, qui prece vel precio tantum principem occisurum se promitteret, ad patrum sese contulit, & amicitiam vultu præferens, transeuntem apud Helvetios Rhenum consecutus, ibique cum pugione transfodit incautum. Mox pœnitentia ductus ad Clementem V. Rom. Pont. qui se absolveret, Avennionem perrexit. Ille tanti sceleris autorem ad Henricum VII. Romanorum imperatorem remisit. Imperator eum apud Pisas in monasterio Augustinensium agere pœnitentiam iussit. Ibiqve Joannes mortuus ac sepultus est. Nos cum Leonora Augusta à Friderico Cæsare obviam missi essemus, tumulum ejus inspeximus.

31. Bernardinum Senensem quem Cœlicolarum numero Nicolaus quintus Pontifex Max adscripsit, inter concionandum fabulam hujusmodi referentem audivimus. *Accepit ex villico matrona quædam nobilis, recentia cerasa, quæ in thalamum reclusa majori ex parte cum ossibus ore avido atque hianti manipulatim voravit, eorum vira deinde allatis, quæ residua fuerant, cerasis, prius quàm nunc comederet terque quaterq. momordit. Quarens ex villico, quomodo cerasa ruri ederentur. Cui villicus, qui per per rimulam vorantem sceminam contemplatus esset. Quo tu, inquit, mulier paulo antea sola in thalamo. Erubuit mulier. Bernardinus eos bene vivere ajebat, qui quæcunque agerent aperta diis atqve hominibus esse putarent.*

32. Puellam balnearum custodem perditæ amavit Albertus Bajoriæ dux, atqve ut voti compos fieret, matrimonium promisit. Cumqve de laudibus mulierum se coram aliquando esset sermo, illamqve nemo nominaret, aut indos purpuratos suos, aut formarum ignaros existimatores appellavit, qui uxorem suam præterissent. Verum illam Ernestus Alberti pater apud Strubingam in Danubium præcipitavit. Indignum profecto facinus ob noxam filii, puellam, quæ nihil peccasset, neci datam. Verax igitur Strabo, qui *potentiorum commoditatem, juxta esse diffinivit.*

33. Cœnantibus apud Angliam prælatis ac Baronibus. ministri flexis genibus officium suum faciunt. Apud Germanos nec imperatori nec regi tantum adulationis impendunt, prudenteq. prudente domino famuli, duobus tribusve, qui vel vina vel cibos apponant expectantibus.

34. Audi-

34. Audiivi Fridericum Imperatorem sæpe numero dicentem ex iis quos extulisset, quam paucissimos gratos fuisse, Idque muneribus suis datum esse, ut ex fidelibus infideles fierent.

35. Adversus Albertum Marchionem Brandenburgensem, omnes superioris Germaniæ civitates adjuvandos Nurenbergenses statuerunt, quibus ille bellum indixerat. Cumque numerosus exercitus instrueretur, interrogavit quispiam ut quid tantum populum adversus unum principem, & eum quidem non ditissimum armarent. Cui unus ex primoribus civitatum, *despis* inquit, *homo. In Alberti namque astutia & fortitudine omnium Germania principum, vires opesque continentur.* Neque vana vox fuit. Septem & decem principes in partem suam traxit Albertus, civitatesque multis incommodis attritas petere pacem coegit.

36. Henricus Goriciæ comes, absente qui cellæ vinariæ claves haberet, sitibundus ostium calcibus invasit, arguenteque eum Phœbo de Turri, qui secum nutritus erat, utque se sineret strangere repagulum, orante. *Tace*, inquit, *me sitis, non te cruciat.*

37. A Turcis modo captos redimere Christianos non liberale modo, sed pium opus sanctumque fuerit, quod tunc futurum speraverim, si classem ut promittit adversus Mahumetem Alphonfus duxerit, simulque terrestres copias in Turcas ierint.

38. Homini agresti, qui ad Nundinas Novæ civitatis Austriæ vœnale triticum advexerat, dum parumper ad caupones divertisset, eorum alter ex biga subtractus est, furti quærela ad Fridericum imperatorem defertur. Jubetur actor reum nominare. Is sibi de furto constare ait, in civitate regia factò, furem ignorare, hærentibus in conjectura consiliariis, si forte in suspicionem quisquam veniret. *Mirum* inquit *Fridericus, cur etiam alterum equum homo non perdidit, tot sunt hodie in hac urbe equites, qui equis indigent.* Tum rusticus æqua est altera, O Cæsar, quæ belligerentibus nulli est usui. *Atqui ergo*, ait Cæsar, *eam insideto, atque in omes urbis viculos discurreto, subtractus equus in aliquo stabulo latitat, qui cum jugalem equam senserit, max hinnitus dabit.* Paruit homo, coque pacto furtum compertum, agrestis, quod suum erat recuperavit, sur pœnas dedit. Omnes igitur, qui juri dicendo præsumunt, non tantum justos, sed etiam prudentes & peracutos esse decet, Zischæ Bohemus qui cœtus Thaboritarum ductavit

vit exercitum, villam quandam in Austria cum diripuisset, neque invenisset armenta. (Nam illa in insulam Danubio cinctam transvecta fuerant,) conquisitis à proximis villis duobus vitulis totidemq; suis, eos è regione insula tam diu verberari iussit, donec mugitū grunnitum, vaccæ suæque exaudientes ad ripam suam tranarunt, quibus interceptis prædam non modicam abduxit, atque ita docuit ingenio non minus quam viribus res militares geri.

39. Jacobus Archiepiscopus Treverensis princeps elector, vir industrius ac magni consilii, sed multum cupidus, & ad extollendam ecclesiæ suæ potentiam nimis attentus, anno ab hinc secundo Fide-ricum Cæsarem apud Novam civitatem cum adiisset, & alia atque alia petens impetrasset, pluraq; petendo instaret, *Si non facis*, inquit imperator, *petendi finem, ego negandi principium inveniam.*

40. Theodoricus Coloniensis ecclesiæ pontifex, prudentia & autoritate inter electores imperii facile princeps, Quarenti Sigismundo Cæsari, quo nam pacto felicitatem consequi posset, *Inter mortales ait, frustrare quiris*: petenti rursus ad coelestem illam, quo itinere pergeret. *Recta*: inquit, instanti tertio, *quid agens recta vaderet*, *Si vitam tuam ita institeris duxerisq;* respondit, *ut facturum te promissisti, dum calculus, aut podagra, sive alia valetudo acrius te oppressit.*

41. Vellem audisse, quid nam dixerit Andreas, ubi Panormum rediit viso rege. Ego cum hinc abiero, si quis me roget, quæ apud Neapolim, scilicet digna memoratu viderim, quatuor imprimis respondebo. Neapolim, scilicet, splendidam urbem, salubritate ætris, portu, templis, ædibus, agris, equis armisque apud Italos nulli secundam. Arcem regiam, quam Novam vocant, amplitudine formaque cunctas superantem, multasque raræ magnitudinis naves, quæque maria sulcasse aliquando memorentur. Et cui talia quadrent, Alphonsum Regem adjiciam. Et quinto loco, si quis audire petierit, sacrum illum divi Januarii cruorem, quem modo concretum, modo liquatum ostendunt, quamvis ante annos mille ducentos pro Christi nomine sit effusus. Potremo Bazarum Cumarumque & Puteolorum rudera subnectam, quæ Romanam videntur æquare ruinam.

42. Alberto Austriæ duci, qui mortuo Sigismundo Cæsare, cuius erat gener, regnum Hungariæ ac Bohemiæ cum Romano imperio suscepit, cum principes amore civium tutos esse oportere, idque

D

solum

Solam innocentiam præstare diceret, & fida custodia, respondit so-
cer, infortunium excludit.

43. Alberto Ladislai patre vita functo, & Bohemi & Hungari
Fridericum Cæsarem sibi regem petiverunt. *Quibus ille, absit à me,*
inquit, scelus hoc, ut patrueli meo paternam hereditatem auferam. Fride-
ricus quoque Marchio Brandenburgensis princeps elector à Polonis in
regem vocatus *Casimirum*, inquit, *habetis mortui regis fratrem, hunc re-*
quirite quem successio regem fecit. Quem si fortasse tades regnare, ad me
redite. Reculavit & Albertus Bajoriæ dux oblatum Bohemix re-
gnum, ne Ladislaum excluderet. Hanc nos temporibus nostris apud
Germanos principes moderationem, & vidimus & memoria dignam
consuimus.

44. Quarenti Leonardo Benevolenti collega nostro, quo jure
Picininus agrum Senensem invasisset. *Militari*, inquit Buccardus co-
mes. *Nam bello lacerare omnes licet, quibus obligati non sumus.* At hoc
jus summa injustitia est. Decet itaque regem, qui nihil præter ratio-
nem & justitiam provinciarum præfides etiam se jubentem vult facere,
Picininum prorsus deserere, bonarum legum, & totius æquitatis e-
versorem.

45. Milites, qui otii gratia curiam sequerentur, semper in ne-
gotio futuros ajebat Sylvester Chiemensis episcopus, nisi sese tandem
vel cum periculo capitis inde amoverent.

46. Laudanti eum supra modum, & diis persimilem esse præ-
dicanti cuiusdam alapas Sigismundus non paucas incussit, dicentique
illi, *cur me cadis? Cur me mordes?* ait.

IN IDEM CAPUT.

Friderico Romanorum imperatori Amadeus dux Sabaudix,
quem clerus apud Basilicam congregatus, Eugenio quarto à summo
pontificatu deposito, in alius locum succederat, Felicemque papam,
quintum vocaverat, filiam quam domi habebat viduam juvenem &
forma præstantem, in matrimonium obtulit. Simulque dotis nomi-
ne auri nummum ducenta milia, si Eugenio relicto, Petri successore
rem appellaret. Horruit Cæsar minimeque sacramento suo Ecclesiæ sacra-
menta fœdare voluit. Atque ad suos conversus, *vendere*, inquit, *alii pon-*
tificalia solent, hic libenter emas, si reperiat venditorem.

47. Cum

47. Cum accusassent purpurati apud Sigismundum maledictionem Germanicæ multitudinis, quæ de suo principe passim obloqueretur. Subridens imperator. *An vobis, inquit, grave videtur illos male loqui, cum nos male agamus.* Cumque quidam se civem Budensem diceret, sibi que tanquam membro parcendum arbitraretur. *Et putrida, inquit Sigismundus, si sit mea manus, abscindatur.* At à Deo, inquit Fridericus imperator, *cum oro, misericordiam peto, non justitiam.* Cur igitur me subditiis elementem acque misericordem non exhibeam.

48. Qui duri atque immites essent principes, his aiebat Fridericus Cæsar mortem nimis extimescendam esse. Nam quales se dum vixerunt aliis præstitere, tales, cum moriantur, in se iudices inventuri essent.

49. Quas non didicerunt artes, recusant omnes exercere: imperare, quæ est ars artium omniumque difficillima, nemo recusat. Interrogatus Rudolphus Cæsar qui primus in familiam Austriæ traduxit imperium, cur ita fieret. *Non mirum, inquit, stultos putant, qui regnare nesciant, stultum autem sese nemo iudicat.*

50. Michaël Pfullendorfius Secretarius Friderici Cæsaris, qui in ecclesia mea Senensi sepultus est. Inter cætera quæ miraretur, id potissimum esse dicebat. *Quod animalia rationis expertia, nullum se superare ferrent, nisi cæteris virtute præsaret.* Homines vero qui se rationales dicant, iis sæpe principibus obedire, qui brutis quadrupedibus stultiores essent.

51. Duos pueros miserat Alphonsus Parisios, ut literas discerent. Eramus in arce nova apud eum, cum Joannes Solerius illorum epistolæ regi redderet. Vidimus eum miro modo gestientem, postquam scriptis puerorum lectis proficere eos cognovit.

52. Bartholomæus Capranus Mediolanensis ecclesiæ antistes, idcirco se ministros forma præstantes quælivisse dicebat, quoniam turpes animi turpia corpora incolerent. Improbicatem autem in egrègia forma perraro competam esse.

53. Interrogatus Sigismundus inperator cur apud liberas civitates peculatus crimen adeo frequens inveniretur, Idcirco respondit, quod nudos honores civibus commendant, populus autem ad lucrum inhiat.

54. *Neque stultis, inquit Fridericus Cæsar, delectari possum, neque superbis esse amicus.*

D 2

55. Leo-

55. Leonoram Augustam è Pisis jubente Friderico Cæsare Senas deducebamus, ante diem cinerum, cum solent insanire populi, offendimus apud Sanctum Miniatum Teutonicum, in agro Florentino choream agrestium puellarum, quæ sæpe saltantes nudarent genua, cruraque ostentarent. Quod cum animadvertisset imperatrix, *eamus inquit, meretricum hic ludus est, non virginum.*

56. Victis in Hungaria Gunzientibus, *magnum*, inquit Fridericus imperator, *atrum est opus, nunc majus restat, ut scilicet vincamus nosmetipsos, atque avaritia, & ulciscendi cupiditati frenos imponamus.*

57. *Severum*, inquit Cæsar Rudolphus, *& inimicum, fuisse me aliquando penituit, lenem ac placibilem nunquam.*

58. *Beatos esse in terris reges* agebat Sigismundus imperator, *si exclusis superbis, mansuetudinis, humanitatisque cultores in curiam asciscerent.*

59. Bernardus monachorum pater, abstinentiæ præcipuus magister, cum aliquando, venientibus hospitibus, extra ordinem cœnasset, idque discipuli crimini darent, *Non ego*, inquit, *sed charitas bibat editque.*

60. Viros & armis & literis claros non solum vocavit ad se Alphonfus, quorum consilio in administrandis rebus uteretur iisque abunde providit, verum ex curia sua tanquam ex officina virorum præstantium, & copiarum duces egregios, & venerabiles ecclesiarum antistites amisit. Nam & Calixtum tertium qui modo summi pontificatus cathedram regit, ex Alphonfi schola ad Cardinalatus honorem maximus Pontifex Eugenius accersivit.

FINIS LIBRI SECUNDI.

Liber

Liber Commentariorum

Ænæ Sylvii Tertius.

Præmium.



Egat Joannes Eternitanus Philosophum esse Alphonsum quia rex est. Ego idcirco Philosophum esse assero, quia regno potitur. Nam Philosophi mea sententia, non qui scienda dicunt, sed qui dicenda faciunt, habendi sunt. Qui quum peccare possint, non peccant, & quemadmodum de Alphonso refert in omnium rerum licentia, sibi ipsis frenum injiciunt. Abstinendam in vita privata ipsa necessitas parit.

1. Juliano Cardinali sancti Angeli, qui Basilienſi concilio præfuit, libros veterum lætanti, cum diceret Oddo de variis *Quid tu hic inter mortuos latitas, ad nos tandem qui vivimus, exi. Imo, inquit, in fama vivunt, tu neg, nomine, neque re vivis.*

2. Cum vocaret in curiam senatores Fridericus imperator *utinam inquit, duas res consilarii mei in palatii vestibulo deponerent. Sic enim & ipsi te consulerent, & mihi inter consilia dijudicare facillimum esset.* Interrogatus quæ nam res illæ essent. *Simulatio & dissimulatio* respondit.

3. Exigenti promissa veterano militi cum diceret Sigismundus imperator. *At immoderata fuit petitio tua:* Respondit miles, *poteras negare cum peterem. Nunc sine turpitudine quod promissum est, rescindere non poteris.* Tum Sigismundus, *si ex duobus alterum me ferre oportet, levius rerum quam fama iacturam subibo.*

4. Ladislaus rex Hungariæ ac Bohemiæ quamvis adhuc puer cum esset Romæ, *non videri sibi aut homines, qui literas ignorarent.*

5. Barbaræ quæ Sigismundi Cæsaris uxor fuit, ac satis functo vidua superstiti cum sibi diceret aliquis invitandum turturis exemplum, quæ mortuo marito perpetuam castitatem servaret, *Si me ratione carentes imitari volucres jubes, cur non columbas potius passerisque proponis?*

6. Gregorius Haimburgensis scientia juris ac facundia inter omnes Germanos facile princeps, cum domum ex curia Cæsaris in qua diu fuerat versatus revertisset, atque non longe ab oppido Nu-

renbergenſi amicū offendiffet, qui uxorem ſuam vivere & bene valere diceret. *Si vivis uxor*, inquit, *ego obii*.

7. Ottocarus rex Bohemiæ cum depudicitia conjugis ſiniſtri ad ſe rumores delati eſſent. *Lex*, inquit, *natura eſt. Cornua qui faciunt ne cornua ferre reſuſent*.

8. Joannes Varadienſis epicoſus regniqve Hungariæ Cancellarius, tam morum elegantia quam literarum ſcientia regnicolarum, nulli ſecundus, cum præſecturas urbium & provinciarum ad novos & incognitos deſerri homines animadverteret. *Post annum*, inquit, *videbimus, bonæ ne fuerit regis electio, quod ſi mihi fides fuerit, probatos ad hæc munera, quam probandos potius aſſumamus*.

9. Ulrico de Roſis inter Bohemos proceres, opibus & auctoritate pollenti, cum Sigismundo abſenti mortem fratris, & rebellionem Pragaſium ſignificaffet, fratrem ſuum reſpondit Sigismundus *natura tributum ſolviffe. Pragaſes verò ſibi tanto glorioſius ſoluturos, quanto fortius vincerentur*.

10. Paraſitus Alberti Marchionis Cilanus nomine dicenti ſibi cuiſiam, *Cur te ſuſum aſſimulas, cum recte ſapias. Hec quàm inique fortuna*, inquit, *tecum agit, quanto magis ſtudeo me fatuum oſtendere, tanto prudentior exiſtimor. Contra filium meum, qui videri ſapiens niſitur, ſtultiſſimum omnes judicant*.

11. Legerat Philoſophus, ut opinor, cum Satyras Alphonſo mitteret, quod ſcribunt veteres de Antoninò Pio, qui Oppianum poetam de natura piſcium canentem, per ſingulos verſus aureo nummo donavit. Unde ſunt illius poſtmodum aurea carmina nuncupata.

12. In Aſtriam cum remearet ex Italia Fridericus Imperator, renunciatum eſt Aſtrales in armis eſſe, & aſſumptis ſecum aliquot Bohemorum militibus, Novam civitatem obſidere inſtituiſſe. Proinde cavèret ne montes Stiria transmitteret ſimiliterqve amici omnes uno ore conſulvere. Nam fuga cum in Aſtriam veniſſet, nulla ei facultas daretur. Ad ea Fridericus nec mihi veriſimile ſic Aſtrales, ait, eò perfidia prolabi, ut me dominum ſuum exercitu petant, neque ego is ſum, qui fugiam ante ora eorum, quin capi vel occidi malim. Exin quid illi petant, niſi Ladislaum pignus hoc, quod reddito liberi ſumus, tenerum adhuc puellam inviti ex tutela noſtra remitemus. At ſi pergunt petere, in medium Aſtraliū, Bohemorum, & Hun-

& Hungarorum id pomum dabimus, de quo treis deas inter se contendisse fabulæ Junonem Venerem, & Minervam tradunt.

13. Pipponem Florentinum ex domo Strociorum, qui cum plurima bella feliciter fideliterque confecisset, adco Sigismundus imperator apud Hungaros magnificavit, ut secundum illius regni caput omnes faterentur, plerique primum putarent. Dixisse quoque Sigismundum aliquando ferunt, facile Pippo, si velit, seipione in manum meam dato, regni fines egredi me solum ac nudum videbit.

14. Romain cum peteret Fridericus imperator ex præfectis quos Flaviani reliquit, certior factus est, Ulticum Eitzingerum, inter proceres Austriæ opibus & industria nulli secundum, trans Danubium profectum esse, ibique clandestina colloquia cum Moravis habere, timendum esse, ne res novaret absente principe. E re igitur fore, Ulrico cum rediret vincula injicere, quibus imperator respondit clarum ac potentem hominem periculosum esse in carcerem rapere, quando neque nocentem plectere eum neque innocentem dimittere audeas. Ulricum deinde quia consiliarius suus esset, jurisjurandi immemorem haud quaquam se credere, prius quam expe-riatur.

15. Ladislauni Hungariæ ac Bohemiæ regem cum educaret, Fridericus imperator, non desuerunt perveris mentis homines, qui pendendum svaderent puerum, ejus vita ingentes molestias Cæleri, mors regna & opes maximas allatura essent. Ad quos ille, *ergo me*, inquit, *opulentum magis regem, quam piwm, quàm justum cupitis. At ego bonum nomen cunctis divitiis antepono.*

16. Joannes S. Angeli Cardinalis natione Hispanus cum in Austriam sedis Apostolicæ legatus venisset, cognovissetque Friderici Cælaris, qui reditus & qui sumptus essent. *Rumor erat*, inquit, *Fridericum ad rem nimis attentum esse. At meo judicio perliberalis est, qui facultatibus sumptus metitur.* Cæterum Sigismundus & Albertus qui ante eum, imperavit, Bohemiæ & Hungariæ ditissimis regnis præfuerunt, propemodum prodigi principes, largitatem ejus obtuscant.

17. Cum diceret aliquando Sigismundus imperator, assentatores se veluti pestem odisse: *imò*, inquit Brunorius Veronenfis, *nul- lum genus hominum magis amas. Nam quid apud te possent Marcus Bannus, Laurentius Palatinus, Ursacius Michael, Caspar Schlickius, nisi assentan-*
do

do tuam gratiam meruissent. Tum Sigismundus, *Bruxori*, ait: *Sic rari comparatum est cum vitandis esse adulatores, dicimus, cum maxime illis aures damus. Nec tu mecum tamdiu fuisses, nisi mihi blandiri assuevisses.*

18. Animadvertit religiosus quidam prædicator ex ordine minorum Albertum Cæsarem Ladislai patrem, qui sermonem suum Viennæ audiret somno gravatum esse, atque altiori voce, *quaro*, inquit, *ex vobis, qui astatis, sultari ne principes possint?* Cumq; rem dubiam & admodum difficilem reddidisset, *apage te* ait, *namq; si baptizati principes, ac in cunabulis moriantur, non est desperanda eorum salus.*

19. Gravida bellis Hetruria laborat, partu divæ Ferinæ cingulum ex rege petit. Neque enim alius est, qui salutem illi elargiri facilius possit.

20. Fridericus dux Austriæ Alberti Cæsaris filius, commissurus prælium adversus Ludovicum Bajoarium, quicum de imperio contendebat, quamvis accepisset Marchiones Brandenburgerles cum hostibus consentire, his tamen promissam ante pecuniam numerat, alienam fidem accusare quam suam requiri præoptans.

21. Mariam Hungariæ reginam cum accepisset uxorem Sigismundus, de quo sæpe facta est mentio, principum regni Concilium apud Budam actum est. In eoregina perfidiam regulorum accusavit, qui se regno spoliare conati essent. Tum Sigismundus unâ cum iudicibus causa cognita, duos & triginta regulos securi percussit, quæ res multorum deinde laborum & discriminum causa fuit.

22. Inter Joannem Caroli quarti patrem & Henricum Carinthiæ ducem de regno Bohemiæ longa & difficilis contentio fuit, quo tempore elanculum ad Joannem venit, qui se veneno hostem occisurum promitteret, si præmium speraret. Cui Joannes, *si me nescio Henricum intermises, atque ad me venisses, erux tibi præmium futurum erat, qui regio sanguine manus commaculasses, & tu me modo anthorem tanti sceleris petis.*

23. Zischa homo Bohemus humili loco, natus multa vi animi & corporis, sed ingenio pavo, cum Hussitarum labe Bohemiam infecisset, ducatum hæreticorum suscepit, præliaq; complura adversus fideles, qui superfuertant, feliciter gessit. Amiserat hic oculum, unum in pueritia, dum inter æquales luderet. Altero in obsidione cujusdam castrî privatus est. Sed neque oculo utroque cassus imperio

fe

se abdicavit Sequebantur eum ingentes copiae, ab eoqve non Bohemi tantum, verum etiam Teutones magnis cladibus affecti sunt. Is moriturus cum rogaretur de suo corpore, quid fieri mandaret. *Pellem inquit, mortuo demite, reliquę, feris cadavere, ex ea tympanum facite, quo in praeliis utamini. Nam ut hostes viventis aspectum non ferebant, ita mortui sonitum non ferent.*

24. Docet Nestor Faventinus quanta cum Picinio, tum ceteris copiarum ducibus, quos alit Italia, fides habenda sit.

25. Quamvis omnia libenter audio, quę vel fecisse vel dixisse Alphonsum tradis, nihil tamen in animum tam cupide recipio, quam responsum illud Ludovico Podio divinitus datum. *Regem, scilicet, pacem dare, non vendere solum.* Nam & nos hunc pacem oraturi non empturi venimus.

26. Multa Philippo Alphonsus debuit. Ac plura Christo debet. Pro Philippo bellum suscipere contra Venetos instituit. Cur, pro Christo contra Turcas arma non capiat? Majores Turcę quàm Veneti. At major multo Christus quàm Mahumietes.

27. Interrogatus aliquando Marianus Sozinus Senensis utroq; jure consultissimus, cur minus solito literis operam daret? *Uxorem, inquit, duxi.* Rursus interpellatus, *cur Socratem postquam duxit uxorem, non itidem Philosophia studia neglexisset?* Xantippe, ait, *morosa fuit, & ne existimo, deformis, mea verò proba est, & forma non postrema.*

28. Ennius Senensis, qui Ecclesię Grossitanę præfuit, antequam Pontificatum accepisset, in Petrum de monte Licino non incelebrem Astronomum, qui cum podagraretur incidit, atqve ab eo, dum alterani post alteram fabulam recitat, diu retentus, dum transeuntem notum quempiam vidisset, *Age, inquit, à amico, ausculta hunc podagricum. Nam mea audiendo aures ambę obinse sunt.*

29. In obsidione Pragenſi Principes civitatis, qui Sigismundum odissent, populares ut obscœna & petulantissima in eum verba jactarent, astu atqve arte provocabant, sic enim futurum arbitrabantur, ut irritatus hostis crucem & quęvis duriora supplicia commineretur obfessis. Illi verò pœnam metuentes, obsidionis incommoda constantius tolerarent, quod cum intelligeret imperator impunitatem omnium, quę in se dicerentur per præconem promisit.

30. Ad Rodolphum Imperatorem venit quispiam, qui Ottocarum

carum Bohemiæ Regem in venatione sese occisurum promitteret, si factò præmium esset. Cui Rodolphus: *etsi nosse hostis est Ottocarus, eumque odimus, non tamen id efficiet, ut iustitia & moderationis fines transeamus.*

31. Inter Philosophos, inquit Hugo Senensis, multas invenio hæreses, quas facile tollas, si de nominis finitione consentias.

32. Albertus Austriae Dux, antequam Romanum suscepisset imperium, in Judæos deflexiens, eos omnes in sua ditione occidi iussit, qui nolent ad Christum verum & singularem Deum converti. Multi metu baptisma susceperunt. Ex quibus unum Fredericus, antequam imperaret, in cubiculum suum accepit, eumque, cum esset sibi coetaneus, quasi fratrem dilexit, is post aliquot annos pecunia ductus, ad Judaicam fidem sese reverti statuisse dicit. Fredericus contra suadet, ne viam vitæ deserat. Cumque verba sua nil proficerent, Theologos ex Viennensi schola accersit, qui juvenem instruant, addit preces, addit lachrymas, promittit, minatur. Postremo vero frustra sese niti cognovit, fraternam quodammodo charitatem religiosæ & veræ pietati postposuit, in vitæque & admodum dolens, juvenem in judicium requisitum tradidit. Ille ad supplicium ductus nullis constrictus vinculis (sic enim petierat) ut pyram ardentem vidit, Hebraicum carmen incipiens, in medias flammæ intrepidus se conjecit, atque ibi cantans exustus est.

33. Ex præda villarum, quas diripuisset Zischa Bohemus, nihil ad se deferri iussit, nisi telas arancarum, sic enim pernas salitasque carnes è rusticano tecto pendentes appellabat.

34. Fœnus ita demum sine peccato exerceri posse Divus Bernhardinus Senensis affirmavit, si pecunia his crederetur, qui nec capitalem summam reddere possent.

35. Anno ab hinc sexto & quadagesimo inter fratres Mariæ Teutonicorum & Vladislauum Poloniæ Regem, de regni finibus orta, quæstione utraque pars ingentes copias in bellum eduxit. At primi Pruteni sive numero militum, sive animum ferocia exultantes, duos gladios per fœcialem Regi misere, ut ex his, quem mallet unum acciperet. Is cum Vitoldo fratre suo Deo hostias libabat, qui audito fœciale, non minus, inquit, *prælii signum recipio.* Consecrato gladio, quem elegerat, eo se accinxit, & facta pugnandi copia Lituanos, qui auxilio

lio venerant, primos opponit, quorum strage fatigata Prutenorum manus, & ipsa Polonis supervenientibus sternitur cruentissimo praelio, & die confecto victoria Regis fuit, viri equestres ex ordinis religione quadringenti cum ipso magno magistro perire, caesa ex plebe multa millia, qui superfuerunt, capti, Prussia praeter oppidum beatæ Mariæ, omnis ad Polonos defecit.

36. Cum diceret Laurentius Palatinus Hungariæ, imprudenter agere Sigismundum Imperatorem, qui victis hostibus non solum vitam & opes relinqueret, sed etiam eos inter amicos reciperet, extolleretque, *tibi*, inquit Sigismundus, *videtur utile inimicum occidere, neque enim mortuus bellum excitat. At ego inimicum occido, dum parco, & amicum facio, dum extollo.*

37. In bello, quod contra Bohemos Albertus Austriæ Dux, prius quam Romanis Imperaret diutissime gessit, interrogatus, quem copiis præficere statuisset, *si alium* inquit, *quam me ductorem exercitus petitis, frustra me Austria Duce[m] appellatis.*

38. Ludovicus Bajoriæ Dux apud Henricum ejusdem familiæ Principem in carcere cum observaretur, nunquam illi ad se venienti assurrexit, neque capite annuit, neque quod ab eo peteretur, svadereturve quicquam fecit, eum vultum, eam severitatem retinuit captus, quibus cum liber esset, usus est.

39. Conspiraverant Hungari adversus Sigismundum armatiq[ue] regiam intraverant, aut capturi Regem, aut si id non succederet, occiduri, quos ut ad se irrumpentes cognovit, accepto pugione in medium progressus, *ecquis*, inquit, *vestrum manus in me inficiet, aut quid nam fecit, quod me Regem vestrum occidere vultis, prodeat è vobis, si quis audet, & cum me solo solus congradiatur.* Ea voce & audacia obstupuerunt conjurati, & sibi quisque timens abire.

40. In eo bello, quod adversus Nurenbergenfes anno abhinc sexto Albertus Marchio Brandenburgensis eximie gessit, Gravenburgum ab eo multa vi oppugnatum est. Id oppidum in valle jacet XX. millibus passuum à Nurenberga muro ac fossa munitum. In quo praeter oppidanos quingenti milites praesidio inerant. Oppugnatio quatuor diversis locis cœpta est. Albertus sibi eam oppidi partem elegit, qua murus altior & fossa profundior fuit. Insultu facto ab ea parte, qua oppidum captum est, secundus ex omnibus ipse murum ascendit.

dit in oppidum vero primus descendit. Circumventus ab oppidanis tamdiu pugnam sustinuit, quamvis in se unum multj concurrissent, donec, alij pugnantes, decretis sibi murorum partibus superatis, suppetias tulerunt, oppidum captum direptumque est, scæminis nulla vis illata. Nam id apud Teutones pro inexpiabili scelere habetur.

41. Jodocus Marchio Moraviæ cum patrum suum Wenceslaum Bohemiæ Romanorumque Regem visitatum venisset, vocavit, cum patruus in penitiorem ædium partem, atque in hunc modum allocutus est. *Et si satis scio, non esse è dignitate mea, quod Electores imperii me regno Romano abdicaverunt, solatio tamen est, quod familia nostra hoc decus non excidit. Ego te libens volensque, successorem mihi datum accipio. Cumque Jodocus his verbis territus ad Regis genua procubisset, ac sibi nihil imputandum diceret, qui earum rerum omnium ignarus esset, pone metum, inquit, nepos. Nam neque imperium inivitis depono, neque si retinere illud cupiam jura sanguinis violare ausim. Bono itaque animo esto, imperiumque tibi demandatum suscipe, mihi mea satis est Bobemia, vivis, armis opibus regi mei tanquam tuis ut liber vivere, latumque et donatum nepotem a se dimisit. At ille sex tantum menses supervixit, locumque postea Ruperto Bajoario, qui imperaret, fecit.*

42. Ecclesia catholica cum scissa esset, nam tres de Romano Pontificatu contendebant, Petrus de Luna, Balthasar Cossa & Angelus Carrarius, Concilium Generale apud Constantiam Svevorum, ut nunc dicimus, urbem Sigismundus Imperator agi curavit, ac magnis itineribus Italiam, Galliam & Hispaniam petiit, ut nationes omnes ad unius Pontificis consensum redigeret, eoque annitente pax Ecclesiæ reddita, Martinus Papa quintus electus, providus pater, & amator pacis, è tribus competitoribus duos sancta Synodus tanquam schismaticos rejecit, tertius suopte ingenio Pontificatui renunciavit.

43. Unius militis salutem consilurus Alphonsus in rapidum amnem sese conjecit, suoque cum periculo avertit alienum. Cur igitur Senensis populi curam non suscipiat, & amicissimæ civitatis libertatem, fortunamque tueatur.

44. Captum ab Hungaris Sigismundum duo adolescentes cognomento Garii, quorum pater ab eo neci traditus fuisset. custodiendum accepere, donec omni conspiratorum judicio in eum animadverteretur, quos cum ille, ut se dimitterent, frustra pertentasset, vi-

dua

dua eorum matre ad se vocata, scio, inquit, mulier, viri tui mortem tibi acerbissimam fuisse, teque mihi tanquam auctori ejus insensam. Verum ego per superos juro, invitus tanti viri exitio assensus sum. Regina cum atque alios accusavit, condescenderunt regni proceres, atque in reos mortis sententiam inlere. Ignarus ego factionum vestrarum, novus ad regnum veneram. Quod regulorum major pars decrevisset, id mihi exequi necessarium erat. Esto tamen, virum tuum sciens volensque neci dederim cruciandum, tunc propterea natorum tuorum aut aliorum iracundia me obicies? Et quis obsecro vel te vel illos fructus sequetur. Non desunt mihi fratres & amici, qui meum sanguinem ulciscantur, neque Hungaria Rege diutius carebit. Exempla Registiment, nemo apud eos acceptus est, qui manns suas regio sanguine cruentaverit. Quod si me missum feceris ex filiabus Hermannii comitis Cilie necessarii tui uxorem ducam, fratris ac soceri adjutus opibus regiam deum potestatem vendicabo, filios tuos in primis charos habebo, efficiamque, ut omnis posteritas tua hoc factum sibi fructuosum sentiat. Hoc ego cum liberis tuis egi, sed non capit atas, quantum necesse est. Te, quæ plus sapis, & illis & tibi consulere oportet. Persuasa mulier regem dimisit. Is Barbara Cilienis in matrimonium suscepta brevi post tempore debellatis rebellibus victor regnum obtinuit, promissoque satisfaciens Garios juvenes super regulos extulit. Ex his ortus est Ladislaus de Gara, (quem Banum appellant) inter primores Hungariæ proceres, opibus & autoritate præpollens.

45. Austria nobilis provincia, dives agro virisque, ex duarum provinciarum detractioe recepta est. Nam quicquid est à Leyta fluvio usque ad Anasum amnem, Pannonici juris fuit, ab Anaso in Oenum, Norici. Benus ingens flumen ex Alpibus Italiæ profluens, apud Patavium urbem Danubio miscetur. Leyta parvus fluvius ex montibus Stiria dimissus, inter Viennam & Posonium civitates, in Danubium labitur. Hujus provinciæ ad septentrionem Moravi Bohemiæque adjacent, ad meridiem Stiria montes, orientem ejus Hungari, occidentem Bajoarii tenent. Danubius, quam longa est, mediam perlabitur. Hæc primo à Marchionibus, deinde à Ducibus regnata est. Stirps Ducum in fœmiga defecit. At illam Ottocarus Bohemiæ Rex uxorem duxit, non tam ejus matrimonii, quam regni cupidus, quippe, quæ viva vivente, aliam ex Polonia conjugem superduxit. Verum cum Rodolphus Romanorum Imperator, Austriam deficientibus ex

genere Ducum virilis sexus, hæredibus ad imperium devolutam assereret, nec Bohemum alio pacto cedere posset, qui conventa quæq; fregisset ad extremum serio dirimere litem statuit. Prælium trans Danubium commissum est, Ottocarum Bohemi, Misnenses, Poloni, Hungari adjuvant: Rodolphus Svevis, Franconibus, Australibus & Sti-riensibus societate junctis rem gessit, hostium copiarum numero longe antecedeant, Rodolphi miles virtute superior fuit. In ea pugna ingens strages commissa, Ottocarus occisus, quem Rodolphus honorifice sepeliri iussit. Ac dein Austriae Ducatum filio suo Alberto natu majori conceffit, unde originem habent, qui Austriam hodie possident. Fredericus, Ladislaus, Albertus, Sigismundus. In hoc prælio cum siti laboraret exercitus, ferunt, agrestes, qui messoribus potum ferret, ablatam hydriam sicera plenam, atque Imperatori oblatam, quam cum ille vidisset, *reddite*, inquit, *homini vasculum suum, nam ego exercitui non mihi stiebam.*

46. Ludovicum seniore Bajoriarum Ducem cum captivum haberet Albertus Marchio Brandenburgensis, non pauca ab eo petiit, quæ cum ille negasset, tradere eum in manus duri, & inimicissimi sibi Principis minabatur. Tum Ludovicus: *qua poteris ex me libero impetrare, eodem modo ex captivo petito. Si quid amplius velis, corpus meum in tua potestate, animum mihi tibi obnoxium invenies.*

47. In Calesio cum essem Angliam petiturus, id oppidum in Morinis, ex quo brevissimum dicunt in insulam transitum, nuntiatum est autore Nicolao Cardinale S. Crucis viro sanctissimo, Philippum Burgundiarum Ducem, qui partium Anglicanarum antea fuisset, ad Regem Franciarum defecisse. Quod cum præfectus loci accepisset, mox me qui Cardinalis essem Secretarius, asseruari iussit, quæ res magno me damno affecisset, nisi Cardinalis Vintonienfis, cui notus essem, illico me dimitti iussisset.

48. Fredericus senior Dux Austriae Imperatoris Frederici patruus sæpe mutata veste solus inter agrestes conversatus est. Cum quibus accepta pecunia, & arans, & alia quævis munia faciens ruris, & de seipso & de purpuratis suis confabulari consuevit. Interrogatus cur id ageret, *neg, enim de me,* inquit, *alio modo verum audire possum.*

49. Hoc unum est inter egregia Regis facinora maximum, & præclarissimum. Sed neminem deserit Deus in se sperantem. Henricus

rius Rex Angliæ, Regis hujus, qui nunc regnat, pater, circumventus ab exercitu Gallorum Regis quæcunque obtinisset in Gallia dimittere voluit, si cum suis incolumis abire permetteretur. Negantibus Gallicis nocte subsecuta vocatis centurionibus & decanis militum, neque fugere, inquit, commilitones, neque ex hostibus incolumitatem consequi possumus, quamvis cedere regno Gallie voluerimus, sola nos armatueri possunt. Non est, cur, numerosum exercitum formidesis. Justam causam justus Deus adjuvabit. Ite & alterum alteri peccata vestra confitemini, paucillulumq; terra ob memoriam sacramenti Eucharistie Salvatoris, alter alteri porrigite. Crastina die liberabit nos Dominus ex manibus inimicorum. Sic dimissa concione peractis quæ jussierat, curare milites corpora, præcipit. Sequenti die, ut primum lux orta est, commissio prælio, incredibile dictu, octo millia suorum, sexaginta millia hostium fudere, caesa ingens turba, nobilitas Gallie prope omnis capta, paucos fuga servavit. Eaque potissimum dies Gallorum opes fregit.

51. Ferdinandus cum esset in Hetruria, serunt, diligenter observasse patris mandata, quem socii miro modo coluerunt. Hostes quoque cum timerent, non potuerunt non amare. Sed quæ mutatio dexteræ hujus excelsi? Senenses, Veneti, quos sibi amicissimos charissimosque Rex dixit, & benevolentia excidere. Florentini, contra quos missus est exercitus, in amicitiam recepti. Memini hoc loco eorum verborum, quæ scribit ad Rufinum Hieronymus: *amicitia*, inquit ille, *quæ desinere potest, vera nunquam fuit*. Deceptus Hieronymus est, qui Rufinum erga se semper eundem putavit fore, non mirum si Alphonso quoque opinio fallâ tuit.

52. *Tota Philosophia*, inquit Plato, *nihil est aliud, quam quadam commentatio mortis*, neque aberrat mea quidem sententia. Cur enim præcepta bene vivendi discimus, nisi ut bene mori sciamus? Comœdia quidem est nostra vita, cujus ultimus actus de morte agitur. Bonus Poëta nemo habetur, nisi ad finem usque actus omnes prudenter explicet. Nobiscum melius Deus egit. Namq; licet omnis vita superior turpis extiterit, satis tamen fuerit ad emergendum cælum, beatamq; vitam consequendam, si læto ac forti animo mortem obeamus, & ultimû spiritum Deo reconciliemus. Neque contra nos est Divus Augustinus, dum ait, *impossibile est, quengquam male vivere, & bene mori*. At rursum bene viventis, malam mortem esse, Sejungit enim ille vitam

tam & mortem. Et verum est, quia mortui nihil mereri possumus. Nos verò eum bene mori dicimus, qui in ipso vitæ exitu veram peccatorum dolentiam contritionemque suscipit, quod quàm sit fallax non me latet. Constat tamen & viros, qui diu sanctissimè vixerint, male obiisse, in fine ipso de Dei bonitate desperantes, & qui sceleratissimi fuerint, bene laudateque mortuos, ac Dei Optimi Maximi in supremo anhelitu misericordiam impetrassent. Sed quæ obsecro commentatio mortis adeò verax, adeò efficax apud Philosophos reperitur, quæ consolationi illi æquari possit, quam refert Alphonsum tuum, ad Gabrielem Surrentinum habuisse. Legimus, quæ venenum bibiturus apud Plutarchum de bono mortis Socrates philosophatur, sed nihil ad Alphonsum, Philosophum quamvis Eternitanus, inficietur Alphonfus.

FINIS LIBRI TERTII.

Liber Commentariorum.

Æneæ Sylvii Quartus.

Proœmium.



Hispania terrarum optimis comparanda, non Imperatores tantum ac Reges Romæ atque Italiæ dare solita est, sed & Cardinales ac Pontifices Maximos, quorum vita emendatissima, doctrina admirabilis fuit: nam Pontificem Damasum virtute probatum & omnium bonarum artium studio celeberrimum Hispania ad nos misit. Nunc ex eadem provincia Calixtum tertium, quem pro vi nominis optimum existimamus, sortiti sumus. In sacro Cardinalium collegio multos fuisse Hispanos commendatione dignos, non est obscurum. Alphonsum sancti Eustachii, & Joannem sancti Petri ad vincula, Cardinales ipsi Basileæ in Concilio vidimus, quorum ea morum gravitas, ea rerum agendarum circumspectio fuit, ut omnem ad se synodum traherent. Joanni nos in secretariatu operam exhibuimus. Hodie quoque tres Hispania Cardinales habet,

bet, Joannem sancti Sixti, Antonium Ilerdensem & alterum Joannem sancti Angeli, quimodo legatus apud Hungaros de traducendis contra Turcas copiis opus agat. Prioribus quali duobus Theologicæ sapientiæ syderibus orbis Romanus illustratur. Tertium scientia juris nulli secundum putat. Verum Rex Alphonsus, ut ais, non ab Hispania laudem ducit, sed Hispaniam ipse illustrat. Is quamquam ita religiosus est, & divini cultus observator, ut scribis, non immemor tamen Evangelicæ doctrinæ post jejunia & orationes cæteraque pietatis opera, in quibus nonnunquam exercetur, servum se inutilem ait. Novissimis enim diebus cum convenisset eum Joannes Orator Apostolicus, ac de pace Tusciæ secum ageret, inter alia sapienter dicta, *scio me*, inquit, *postquam regnare cæpi, quam plurimos homines è modica fortuna ad magnas opes ac potentiam evehisse, qui postea benefacti immemores extiterunt. Ea vero res mihi minime admirationi est, cum & ipse eodem ingratitudinis vitio laborem.* Nam quis plura ex Optimo Maximoque Deo, quam ego beneficia accepit, quia natus ex Regibus, amplissima regna hereditario jure sum consecutus. Nec minora mihi ipse armis comparavi. Pauci me Reges inter Christianos antecederunt. Ingenium mihi natura non obusum dedit, memoriam non infirmam, corpus salubre, vitam longiorem ac morbis ferè inoffensam, opes mihi, delicia, voluptates abunde suppetunt: literarum quoque nonnullam cognitionem adeptus sum. At ubi mea gratitudo? Quid ego aut facio, aut feci pro tot tantisque divina clementia in me muneribus. Intelligo me certe ingratum esse, eoque accusatione ac pena, quas ceteros promeruisse existimo, qui erga me ingrati sunt, tanto majori, quanto gravius est Deum quam hominem fallere. Verum si mihi vita contigerit, est animus, quod hætenus neglectum est, abunde præstare. Injurias enim, quas crudelissima gens Turcarum Jesu Christo verissimo & maximo Deo nostro nunc in Gracia, nunc in Asia quotidie infert, ultum ire decrevimus, atque ad id jam navis, jam viros & arma comparavimus. Itaque nihil est, cur nos qua nunc tractantur Tuscia pacem, quovis pacto turbatos existimas. Hæc Rex, qui si promisso satis fecerit, salvatorem Christianæ religioni ab Hispania missum, omnis Europa confitebitur.

1. Interfuimus hoc anno dum hæc fierent. Cæcus in capite mensæ assedit, grandævus, qui ante sedecim annos lumen se amisisse agebat. Ministrabat huic Rex, ac nobis audientibus interrogabat, an cæcitatem molestè ferret? Cui cæcus, nesciens Regem esse, qui secum loqueretur, nisi divina gratia esset adiumento, *Nemo*, inquit cæcus, vi-

vere optaret, tanta est miseria cœcitat^{is}, iis præsertim qui, aliquando lumen viderunt. Tum Rex: vellesne, inquit, ex hac vita migrare. Atinime, inquit ille. Tum Rex: as miser es, cur è miseria cripi nolis? Nescio, inquit cœcus, an moriens ad maiorem miseriã hinc demigrem, nec quo vadam mihi certum est. Tunc unus ex purpuratis, an nescis, inquit, quod piè viventi locustibi priorum patebunt? Scio, inquit cœcus, tria esse loca, ad quæ dimissis corporibus animæ hominum deferuntur. Piorum animas in cœlum evolare, malorum inferna petere, iis verò, qui cum antè fuissent mali, tamen ante obitum sese recognovere, & dolentes pro malefactis prius obierunt, quàm penitentiam agerent, purgatorium locum ad eundem esse. Tum purpuratus, si hac credis & peccato abstinere, cur mori nolis. Credo, inquit cœcus, bene morienti mihi bene eventurum. Sed quis est hic, qui bene sese moriturum sciat. Tum Rex: sapit, inquit, cœcus ex media Theologia sententiam profert. Audivit cœcus, Regem nominari, & quisnam Rex esset, Regem ipsum interrogavit. Tum rex, ego inquit, qui loquor tecum.

2. Allata erant Sigismundo Cæsari ex Hungaria aureorum, quadraginta millia. Cum jam ad vesperas cret, eaq̃ue in thalamo regio recondita fuere, cum cubitum isset. Cæsar dum cogitat in quendam usum eam pecuniam convertat, somnus eum destituit. Tum ille excitatis cubiculariis, ite, inquit, ocius consiliarios, ducasq̃, milium huc accersite. Vocati proceres media nocte, trepidi (timebant enim, ne quid adversi accideret) Imperatorem celeriter adunt, & quæ causa sit eam repentinæ vocations inquirunt. Imperator confestim aperta archa, inter eos, qui adveniant, pecunia distributa. Itē, inquit, secure tranquilleque nobis dormiro liceat. Nam quod mihi somnum ademerat, vobiscum exit.

3. Quæsitum est inter nonnullos me audiente cum in omne hominum genus Alphonsus liberalem ac munificum sese ostenderit, cur solos Astrologos præteriret. Neque enim hujus scientiæ præceptores, sicut aliarum disciplinarum, magistròs in ejus curia obversari videmus. Tunc unus qui magis scire videbatur ejusdera, inquit, stultos reges impelluntque. Sapientes astris imperant, Stultos ergo principes honorare Astrologos consequens est, non sapientes, inter quos nomen suum Alphonsus obtinet. Tum alius Petrus de monte Illici, inquit, non incelebratus Astrologus congregato apud Constantiam generali Christianorum Concilio, judicium de rebus futuris edidit. In quo & Sigismundum eo animo coronandum

Ro.

Roma, & Joannem Papam tertium & vicesimum, qui ad Concilium vocatus ierat, cum gloria rediurum asseruit. At cum magna Synodus Joannem summo pontificatu abdicasset, Sigisfundus autem ingressu Italiae multis post annis abstinuisset, arguentibus plerisque Petrum, qui adeo manifeste mentitus esset, at mihi de duobus stultis, inquit ille, iudicandum fuit, de quibus ne vera quidem profari Ptolemaus potuisset.

4. At hoc ad gloriam non mediocrem Alphonso cessit, quod Fredericus imperator Romæ coronatus ad eum visendum venerit. Nam ille cum in Germaniam redisset, interrogantibus amicis apud Italos, quæ memoratu digna vidisset, *Alphonsum, inquit, omnium qui modo vivunt Regum, & prudentissimum, & magnificentissimum.* Cumque aliqui non probarent, quod major dignitas ad minorem venisset; imo, ait, *ille ad maiorem profectus. Nam etsi minor est Regis auctoritas quam Imperatoris. Alphonsus tamen Frederico maior est.*

5. Parum fuerit Italiae pacem dedisse, nisi & datam conservaret.

6. Schadvienna oppidum est cum arce munitissima, per quod Australibus in Syriam iter est. Huic præsuit unus ex veteribus amicis Ernesti, qui Friderici Caesaris pater fuit. Adierunt Fredericum aliquot successive adolescentes, sibi quæ præfecturam loci committi petierunt, quod qui illam teneret ætate ac viribus confectus esset. Ad quos Fredericus: *paternum amicis oppido, non amicis oppidum commendamus.* Testamentum cum conderet Dux quidam *Stellæ*, egregiam domum edificari mandavit. In qua canes, qui utiles vebationi fuissent, ob senectam & corporis debilitatem à suis relictis dominis usque ad mortem alerentur, designatis in eam rem nonnullis agris, ex quorum proventu sumptus suppeditaretur, nec voluntas ejus irrita fuit.

7. Jacobus Marchio Badensis ubi latrocinium in ditione sua commissum didicit, vocatis, iis qui damno affecti fuissent, tantum eos ex fisco suo accipere iussit, quanti esse, quæ amisissent, iurejurando affirmassent. Exinde latrones insecutus, apprehensos in Rotam sustulit. Id est supplicii genus apud Theutonicos formidabile. Atque ita brevi pacatissimam provinciam reddidit. Patris vestigia Carolus nobilissimus adolescens sequitur, cui nupta est Catharina soror Frederici Caesaris.

8. Dux quidam Oppavia uxori, quam ex Lituania acceperat,

obviam cum exisset, in comitatu illius adolescentem offendit forma egregium, robusto corpore, in plumis jacentem pensili curru adve-
 ſum. Interrogavit quisnam esset? conjugis suæ fratrem, aut pro-
 pinquum existimans. Responsum est ab illis, qui propius aderant: apud
*Lituanos more patrio nuptas, quæ nobiles quidem essent, unum pluresve concu-
 binos pro viri facultatibus domi alere consuevisse, qui negligente marito on-
 erâ matrimonii subeat. Illumque sibi adductum fuisse, qui vices suas suppleat,
 si quando, ut sit, vel morbo, vel alia quavis causa conjugii debitum persolvere
 nequirit.* Voluit Dux laniandum canibus hominem objicere. Sed pro-
 hibitus ab amicis in Lituaniam quam celerrimè redire cum iussit,
 quæ in provincia, ut ajunt, perpaucæ nuptæ à viris digrediuntur.

9. *Satis vici, inquit Sigismundus Imperator, qui hostes fugavit.*

10. Cum rogaretur Sigismundus Imperator quem virum regno
 dignum aptumque existimaret? *Eum, inquit, quem neque secunda res
 extolleret, neque adversa deprimerent.*

11. Cum gloriabundus quidam eqves coram Sigismundo, ur-
 banos magistratus parvisaceret, tribunosque militum laudibus in cœ-
 lum. tolleret, *Tace, inquit, Thraso, nulla nobis militia opus esset, si suæ
 civitatis prætore, caterique magistratus moderate jussuque guber-
 narent.*

12. Senenses fortasse ramusculum ignari in Regis oculum de-
 misere. Utinam nil aliud Rex doleat quam Senensis populi dolorem,
 ac metum. Verum Joannes Lyttanus cum diutius novis contumeli-
 is civitatem nostram afficiat, accusare tamen eam apud Regem non
 cessat.

Verum est, quod Satyricus ille ait:

Libertas pauperis hac est,

Pulsatus rogat, et pugnis conciliis adorat.

Ut liceat paucis cum dentibus inde reverti.

13. Literæ Casparis Schlikii ex Nuremberga missæ, cum in-
 manus Frederici Cæsaris venissent, quæ nonnullis Hungaris inscribe-
 bantur, fuerunt, qui eas aperiendas dicerent, quod in iis aliquid pro-
 ditionis scriptum esse putarent, quod sciri oporteret. Quibus Frede-
 ricus,

ricus: *Cassarem ego & probum virum, & mei amantem existimo, si fallor, malo per sese error parcat, quam mea diligentia investigetur.*

14. Non mirum, si non putavit Alphonsus in regnis suis suo tempore, septem sapientes inveniri posse, quum ex omni Græcia & Asia, totoque penè orbe terrarum omnibus ætatibus vix totidem annotati sint.

15. In scholam Pragensem ingressus aliquando Carolus quartus Romanorum Imperator, cum disputantes liberalium artium magistros in horas quatuor audivisset, idque purpurati moleste ferrent, ac cœnæ tempus adesse dicerent; *mihi, inquit, tempus est minime. Nam caua mea hac est.*

16. Cum beatos quispian Fœneratores coram Sigismundo diceret, qui dormientes rem augrent; & *tu ergo miser*, inquit Sigismundus, *qui rem vigilando comminuis.*

17. Si desint Thraſones, in vanum Gnathones clamitant.

18. Legerat illud Alphonsus, ut arbitror, quod non ignotus Poëta cecinit:

Dii majorum,

Umbris tenuem & sine pondere terram,

Spirantesque crocos, & in urna perpetuum ver,

*Qui praeceptorem sancti voluere parentis
esse loco.*

Atque idcirco suo magistro vel poma, vel confectiones zaccareas ministravit.

19. Georgius Fistellus cum esset Doctor, à Sigismundo Cæsare equestris militiæ insignia suscepit. Exin cum Basiliensium Synodum adisset, consultante de rebus arduis Sigismundo, dubius an Doctoribus legum conjunctis in unum locum, aut se equitibus ab illis in alium separatis conjungat, cumque tandem ad equites inclinaret, *stultis agis*, inquit Sigismundus, *qui literis militiam praefers. Nam ego milites mille una die fecerim, Doctorem mille annis non fecerim.*

20. Vitoldus Lituania Dux plebem legi, legem principi subiectam esse oportere dicebat, adeoque differentem moribus & ha-

bitu à suis popularibus sese præbuit, ut illos tonderi edicto iusserit, sibi tanquam majestatis insigne barbam intonsam retinens. At cum id non succederet, nam Lituanii vitam potius quam barbam parati erant amittere; caput ipse genasque rasit, capitalem poenam in eos comminatus, qui suo exemplo barbam aut comam deponerent.

21. Essent plerumque principes, quam privati homines, uti Socrates, meliores, si Reges electio, non successio faceret.

22. Cum quæreret aliquis ex Thoma Sarzanensi, qui postea maximum pontificatum adeptus, Nicolaus quintus appellatus est, qualis esset Eugenius Papa quartus. At inquit, *hoc facile cognitus est, qualis familia est, talem & principem invenias.*

23. Austriales quoque qui accersitis Bohemis in Nova civitate Fredericum Cæsarem ex Italia redeuntem obsederunt, eo demum redacti sunt, ut victores ex victo pacem peterent, atque in eam rem auri sex millia nummum quotannis penderent.

24. Sub imperio scemina cum esset Austria, defecerat enim virilis proles, hinc Hungarus, inde Bajoarius provinciam prædabatur, scemina quæ contemnerent, suadebant amici, alterum ex hostibus virum acciperet, qui alterius contumeliam propulsaret. Quibus illa, *minime inimico nubam, Ottocarum ex Bohemia petius accersam, qui meo conjugio ditatus, & Bajoario & Hungaro vicem reddat. Neque enim natura fert, ut qui nobis nocent, his beneficiamus.*

25. Sigismundus Imperator cum esset in Italia, audisset quæ patres Basileæ coactos Eugenium Papam summo Pontificatu deponere statuisse, quamvis podagra laboraret, itineri se commisit, tantaque celeritate advectus est, ut ante in Concilio sit visus, quam eò venturus audiretur. Neque enim bono principi tolerabile videbatur Ecclesiam, quam se authore ad consensionem & pacem Constantiensis synodus reduxisset, Basiliensis denuo rescinderet.

26. Consolatoriæ super morte fratris ad te missæ literæ, magnum in te Regis amorem testantur, sed quem ille amet, si te non amet, qui eum, vel post facta victurum facis.

27. Interrogatus aliquando Fredericus Imperator, quid homini optimum possit contingere, respondit, *Bonus in hac vita exitus.* Quilocos moderatè serrent, sapientes dicere Sigismundus solitus erat, qui promptissimè jocarentur ingeniosos.

Anno

28. Anno superiore Græcus ad Albertum Ducem venit, qui se Constantini Cæsaris à Turcis occisi Germanum diceret, quem cum exploratorem ille comperisset, quæcunqve in Germania pararentur, ad Turcas perferentem gladio percute jussit. Carolus quartus Romanorum Imperator hominem, qui sibi necem parasset, ad se vocavit, eiqve aureos mille dono dedit, quibus nubilem filiam nuptui collocaret, illius se misereri dicens, cui filia natu grandior domi clausa esset. Homo gratias egit Regi, & ad conspiratores egressus, *nescibum, inquit, Carolus qualis esset, nunc liberalem & clementem principem ferire nullo pacto possum.*

29. *Venatio, inquit Albertus Imperator Ladislai pater, exercitatio virilis, saltatio muliebris: Sequæ voluptate quavis alia carere posse, venatione non posse.*

30. Si quem sua sorte contentum esse deçet, non est cur Alphonsus de fortunæ distributione qveratur, qui trium Deorum imperia obtinet, Plutonis, Hispaniæ regna, Neptuni, Siciliam & alias insulas, Jovis, Italiam, quamvis sua virtus totius orbis imperium meruit.

31. Studiosum esse Alphonsum librisqve deditum, nemo dubitat, qui cum versetur, neqve enim sermo ullus ejus est, qui non doctrinam redeat. Nuper rogabamus eum, ne Tusciam bello perire sineret, qui se pacis Regem inscriberet. Tum ille *Cassandram, inquit, divinandi arte & cognitione futuri donaverat Apollo. Id factum, in Concilio Deorum damnatum, qui futura providere mortalibus inhibuit assererent. At cum revocare divinum donum nefas ducerent, statum est, ne quis Cassandra præphetanti fidem haberet. Eodem modo quamvis pacificum me Regem appellem, mihi credit nemo.*

32. Inter eos, qui mendacissimi sunt, adde si placet, & qui militassent multum, Joannes Hunneburgensis non incelebratus medicus, jubente aliquando Sigismundo Imperatore fecedere paululum. omnis, qui Comanum nescirent. Nam cum Comanis ei res erat, quid sunt Hungariæ populi, non paruit imperio. Interrogantiqve Cæsari cur non exiisset, *quia solos, inquit, abire jussi, qui Comanum ignorent, quæ jussio hanc quæqve am me comprehendit. Nam mentiri ac furari, quod est Comanorum proprium, nemo æque ignorat, atque ego callio.*

33. Deniqve divinæ legis mandata sub magna nobis mercede commendata sunt. At si unum fregeris, cuncta fregeris.

34. Qua-

34. Quatorupus, qui apud Moravos ultimus regnavit, cum se absente regiam conflagrasse didicisset, interrogavit nuncium, *an cella vinaria salva esset*, eoqve respondente absumptis cæteris illam intactam igni superfuisset, & nos, inquit, *igitur salvi ac lati sumus.*

35. Quemadmodum superi amari & timeri volunt, ita & Reges, ait Sigismundus: neque enim bene ames, nisi timeas.

36. Vellent Alphonsi arte atqve diligentia non solum rives, sed milites quoque ingenio malo pravoqve bonos & emendatos reddi. Sed militia, ut mihi videtur, sentina vitiorum est, quæ nulla virtutis indicamenta suscipiat. Alphonsum verò cum omnibus ingenio, doctrina, virtute, arte, sapientia non solum contendisse, sed eos etiam vicisse dixerim, natus, ut mihi videtur, ad omnia quæcunqve agredi statuat.

37. In terra Austria cum obiisset unus ex primoribus annos natustres & nonaginta, qui vitam inter voluptates illecebrasq; nulla unquam valetudine offensam duxisset, ignotaqve illi omnis calamitas, omnis mœstitia fuisset, idqve Frederico Cæsari narraretur, & hinc, inquit, *illi immortales animas censere licet. Namque si Deus est, qui hunc mundum gubernat, ut Philosophi & Theologi docent, eumq; justum esse nemo negat, profecto alia loca sunt, ad quæ post mortem animæ migrant, ibique pro factis aut mercedem aut penam accipiunt. Nam hic bonis sua præmia, neque malis sua supplicia reddi videmus.*

38. Gallus medicus litem, cui patrocinetur, iniquam facit. Bellum, cui se immiscet Hildebrandus, injustum, quod Picininus suscipit, injustum atqve impium.

39. Joannes de monte Damarum natione Svevus, *si mihi, inquit, ætus aliquis, in quo perpetuo degam: opulentum quempiam mercatorem, ut apud Florentinos esse aliquos ajunt, fugientem, admodum tergo lancea quasi jamjam capiam, insequi velim.* Sic enim sequitur sua quemqve voluptas, ut ait Poëtarum Latinorum maximus. At dulce ocium, & privata vitæ quies interdicta principibus, neque Diocletiano ad hortos redacto alpiravit fortuna.

40. Interrogatus Fredericus Imperator, quoniam sibi charissimi essent, *qui me*, inquit, *non magis quam Deum timeo.*

41. Jurasse Fredericum nunquam comperi, nisi cum in civitate Aqvenli apud Belgas, & cum Romæ coronatus esset, idqve juramen-

raimentum constantissime tenuit. Cum enim iurejurando promississet, quæ bona possideret imperium nullatenus alienaturum, & modo hoc, modo illud ex eo peteretur, maluit avarus negando, quam concedendo perjurus videri. Eamque ob causam petenti Borſio Marchioni Eſcenſi Ducatum Mutinæ & Regii, tamdiu reſtitit, donec monſtratum eſt, eundem Ducatum, qui ſub annuo tributo concederetur, lucri magis quàm alienationis ſpeciem habere, præſertim cum Mutina ac Regium in poteſtate ſua non eſſent, quam rem nos ei potiſſimè ſvaſimus.

42. Auri nummum centum millia civis quidam Pragenſis recepto chirographo, Carolo quarto Imperatori mutuo dedit, eumq; poſtridie ad prandium invitavit, convocatis aliquot Regulis convivium more Bohemiæ ſplendidiffimum apparavit. Cum verò potioni & caſeo, ut illi conſueverunt, locus eſſet, neque enim ſacchareis confectionibus utuntur, chirographum in catino aureo juſſit adferri, admirantibus convivis, & quid hoc ſibi vellet, quærentibus, *cætera, inquit, ſercula Cæſar communia tibi cum hiſce optimatibus ſuere, hoc miſſilins erit. Nam aurum, quod mutuavi, nudius tertius tibi dono, omneque debitum remitto.*

43. Ignis, quem ſacrum vocant, digitum pedis Sigismundi Cæſaris exurebat. Et ne altius ſerperet, timebatur. Medici abſcindendum digitum ſvaſere, paruit Imperator & quaſi alius inſcideretur, ita immotus, chirurgici ferrum inſpectavit, & pertulit.

44. Bohemi, apud quos multa plana, raras ſoſſas invenias, equitatum peditatumq; omnem intra curruſ claudunt, in curribus verò quaſi mœnibus armatos collocant, qui miſſilibus hoſtem arceant. Cum prælium committitur, ex curribus quaſi duo cornua efficiunt, eaq; pro multitudine pugnatorum & loci neceſſitate expliçant, retroque & à lateribus tecti in fronte pugnāt, interea paulatim aurigæ procedunt, hoſtiumq; acies circumvenire atq; includere conantur. Quo factò haud dubie victoriam parant, cum hoſtes undiq; ſeriantur. Eſt quoque pluſtrorum compages ea arte compoſita, ut ad Imperatoris juſſum, qua velit, & quando velit, aperiatur, ſive ad ſugam, ſive ad inſeqvendos hoſtes ratio poſtularaverit.

45. Quamvis amici culpa ſolutum ſe ſcèdere Alphonſus dicere poſſet, memor tamen ſuæ conſtantix & accepti beneficii, ratas eſ-

se pactiones voluit, quæ exciderant. Idem & nunc erga se facturum Regem Senenses sperant. Eri enim ea non Senensium est, quæ Philippo fuit, erga Regem beneficentia, est tamen Regis erga Senenses illa, quæ fuit in Philippum, constantia. Propterea si foedus quoquomodo à Senensibus violatum reperitur, quod minimè credimus, haud quæquam malitia ulla, sed ignorantia fortassis ejus rei causa fuerit.

46. Qvalis fuerit Alphonfus juvenis, ipsa nunc ætas major ostendit, quem sæpe veloci insidentem egro persequi feras, ac nunc apros nunc cervos jaculari vidimus, suæque manu sternere. *Quæ opera* in tanto Rege strenuitatis magis quàm prudentiæ censemus. Nam vitam, in qua tot populorum vita consistit, sine magna causa periculis objectari nolim.

FINIS LIBRI QVARTI.

In orationem pro suscipiendo in Turcas bello.



Ratio magnanimo Rege atque ipso Alphonso digna, dignus Dei hic est. Neque enim hæc verba, hos sensus, hanc denique mentem, nili sancti spiritus ministravit. Exiit hæc oratio, exiit & ad nos, usque in Germaniam delata est. Non potest dictum indictum esse. Belli Rex tria in se magni beneficia Dei commemorat, qui non belua, sed homo rationis capax ab eo sit creatus. Nec qualiscunque homo, sed Christianus homo. Nec qualiscunque Christianus, sed Christianus rex, reddere illud modestia veruit, quod non qualiscunque Rex à Deo creatus est, sed Regum, quos habet Europa, est potentissimus & sapientissimus, quod nostro seculo inauditum est, Rex atque Philosophus. Verum quoniam honestum & laudabile est hoc promississe, si perficiatur: ita & turpe & vituperabile fuerit, si negligantur. Ad tantam verò rem exequendam, necessaria est Hetrurix pax, quæ cum perturbata sit, totam Italiam suspen-

lam

sam tenet. Hujus pacandæ potestas atqve arbitrium penes Alphonsum esse, nemo dubitat. Svade igitur Antoni, svadete omnes, quibus appetit sunt Regis aures, ut relicto Picinino pacem Tusciæ restituat. Sic enim assumptis in Turcas armis, Christianum nomen, ut est ab eo vulgatum, & tueri & amplificare poterit.

In triumphum Alphonfi.



Cum redierit Alphonfus subactis Turcis, liberata Græcia & spolia illa cruenta, nefandiçve Mahumeti caput retulerit; o qualem ei currum apparabit Italia! quales gratias aget Ecclesia, quæ festa omnis Christiana societas agitabit! Convenient Romam Septentrionis & Occidentis Reges, redeuntemçve magnum Imperatorem Christianæ Reipublicæ salutabunt. Cardinales cunctiçve Præsules Ecclesiarum, & Magistratus urbis, longo extra mœnia intervallo sacra ferentes obviant. Nivei stabunt ad frena Qvirates, sternetur purpura & ostro, quæcunq; ab eo terra calcanda fuerit. Matronæ nobiles, virginesçve rosas & lilia è rectis in eum spargent, & variarum ferta florum sacro capiti annectent. Ipse curru sublimis aureos in plebem nummos jacet, quocunq; in foro, quocunq; in trivio sublitterit, novas ludorum facies offendet, acclamabitq; omnis populus victori vitam & gloriam. Atq; ita triumphans non in Capitolium falsiçve Iovis ædem, sed in Apostolorum principis beati Petri Basilicam deducetur. Ibiçve maximum sacerdotem Calixtum tertium verum Christi vicarium, & regni æterni claves tenentem inveniens, largam ab eò benedictionem accipiens, amplexus atqve deosculatus grandævum patrem, secum in penitiorem palatii partem secedet, ubi & de recenti victoria, & de rebus Hispanicis longos inter sese sermones habebunt. Tunc tua Antoni musa quasi ab inferis resurget, & tu quidem poemata compones. Bartholomæus Factius historias scribet, mortalemçve Regem immortalitati donabitis. Nos quoque, si quid strepere inter cygnos corvis licet, aliquid seorsum inveniemus, quod de tanto Rege posteris re-

seramus. Hæc habuimus Antoni, quæ per otium Neapolitanum ad dictæria tua adjiceremus. Tu vale & boni consule. Ex Neapoli decimo Calend. Majas. Anno ab incarnatione Salvatoris Christi M. C. CCC. LVI.

Ad Alphonsum Arragoniæ

Regem, Æneæ Senensis Episcopi

Oratio.

N Odestius fortasse fuerit Rex maxime ac piissime, audito Joanne Solerto Apostolico legato patre optimo & doctissimo, divina re diutius protracta, fugiente jam die, nos tacere quam loqui. Sed cogimur accepti benefici magnitudine, ne omnino silentes hujus diei solennitatem prætereamus, in qua pacem sapienti ac divino consilio tuo perfectam vulgari iussisti. Quare non urbi nostræ solum, verum Hetruriæ ac toti Italiæ, imò vero universæ reipublicæ Christianæ salutem hodie partam videmus. Etenim quamvis hoc bello, quod modo extinctum est, solus ager Senensis vastari videretur, ejus tamen veneni labes longè lateqve totam Italiam inficiebat. Neque Laudensi pace, neque altera coram te habita, in hac urbe Christiano populo satis consultum erat, cum sedato uno tumultu mox alter oriretur, atque in morem serpentis Hydræ nova indies belli capita succrescerent. At concordia, quæ nunc distante te composita est, omnem contentionis nostræ radicem prorsus extirpat. Nullam Italiæ provinciolum, aut iniquitatem aut insecurem relinquit. Nulli jus suum aufert, nullum lædæ, nullum excludit. Hæc igitur vera pax est, & quæ prioribus illis de pace tractatibus solidum signum, sive ut ajunt, sigillum apponit. Hæc concordia Christianis quidem vera quies, Turcis autem, ut mihi persuadeo, extremum exitium erit. Nam quantum discordia nostra extulit illos, tamen consensus noster deprimet atque dejiciet. Quippe, ut audient Hungari, Rasciani, Valachi, Albani, Græciqve omneis pacatam

catam atque concordem Italiam esse, invictis animis Turcarum arma sustinebunt: exin Fridericus Imperator Augustus invictissimus, qui etiam te ad hanc concordiam adhortatus est cum suis Teutonibus Martialique gente Galli quoque feroces, & alii trans Alpes fideles populi jamjam tempus adesse fatebuntur, quo se bello contra Turcas accingant. Nam quamvis anno superiore sancta sedes Apostolica legatos mitteret, decimas exigeret, indulgentias elargiretur, naves constitueret, tua quoque Majestas cruce signata multa & magna in hostes fidei minaretur; nemo tamen credidit expeditioni locum fore, cum vicina Romanæ curiæ atque in ipsis penè urbis foribus belli tempestas grassaretur. At nunc extirpatis funditus dissensionibus Italiæ è radicibus, quid aliud expectemus, quam te classe maxima ac potentissima, ut dicere soles, quingentis velis instructa, Orientem petere, ignominiam Deo & Salvatori nostro illatam vindicare. Rem videor fortasse difficili atque impossibili similem polliceri. Verum qui te hinc comparant, quique tuas vires, & quæ tibi duo magnanimi Reges, alter Castellæ, alter Portugalliæ ministrare promittunt auxilia, metiuntur, nihil me supra modum sperare fatentur. Age igitur, Rex inclyte, tibi, Calixtoque summo Pontifici hæc laus servata est, quæ religionem Christianam undique conculeatam, ac ferè deletam in pristinam gloriam restituatis. Nam vetus ille Oriens, qui nobis olim veræ fidei lumen infudit, nunc ab Occidente lucem ac salutem expectat.

Legimus Christianos Imperatores & Pontifices maximos ab Hispania missos sæpe Catholicæ fidei magnifice ac salubriter consuluisse. Theodosius, Damasus, atque alios, atas nostra sub Calixto tertio divinitus dato Pontifice, ac sub Alphonso Rege sapientissimo atque incomparabili utroque Hispano, Orientalia regna rursus ad Christum verum, & singularem Deum reditura esse confidit. Cui Rex pulcherrimum hodie tua sublimitas initium dedit, quæ cunctas Italiæ lites unico pacis arbitramento sedavit. Cujus facti gratia non est oratio nostra, quæ beatissimi patris tui Calixti suscepam consolationem ac latitium explicare possit, aut in medium proferre, quibus te honoribus sua pietas, & omnis Ecclesia cumulare decrevit. Senescentes vero à te saluberrima pace donati, ac magnifice conservati, nullo unquam tempore hujus diei memoriam oblitterabunt. Gratisima est enim nostra republ. quæ quamvis aliquando pro sua tenuitate iis, qui

sibi benefaciunt, vicem reddere nequit, animum tamen semper obnoxium ac tribuendi cupidum retinet. Videntur adhuc in templo nostro majori equestres eorum statuae, qui ante aliquot secula civitati nostrae bene consuluerunt. Manfredi, qui ex hoc regno laboranti populo nostro opem tulit, æterna memoria apud nos est. Bonifacius nonus hujus urbis alumnus, qui urbi nostrae non defuit, magna in necessitate quasi Numen aliquod apud nos habetur. Galeatii ac Philippi Mariarum Longobardorum Ducum, qui majores nostros in maximis saepe discrimilibus adjuverunt, nomina in civitate nostra immortalia perseverant. Ob memoriam sanctissimi Calixti nostri, qui ut nobis periculum demeret, periculum ipsi subirent, non recusavit. Ædem construere Magistratus nostri decreverunt, in qua sibi quotannis sacrificetur. Et tibi ergo Alphonse; avi nostri gloria, & nato tuo inclyto Calabriae Duci Ferdinando, & liberis ejus, & omni tuae posteritati Senenses universi, dum stabunt urbis moenia, hanc hodiernam pacem, id est, salutem & libertatem suam gratissimis animis imputabunt, tuumque eris apud eos indelebile nomen. Mercedem verò tam pii, tam necessarij, tam fructuosi operis, reddat tibi divina misericordia.

COMMENTARIORUM ÆNEÆ SYLVII
EPISCOPI SENENSIS FINIS.

